

Abb. v. v. v.

E300



K
2:8



18. 10. 1945
H. 10. 1945





8.43.4.17.

O R A T I O,
ET POEMATATA
JOSEPHI THOMÆ.



THE JOURNAL
OF THE
AMERICAN
PHYSICAL SOCIETY



8.43.4.17

JOSEPHI THOMÆ

IN NEAPOLITANA ACADEMIA

Rhetoricæ Professoris

ORATIO, ET POEMA

DE REPARATA

CAROLI II.

SALUTE,

AC POEMA


In Funere

EXCELLENTISSIMÆ

D. CATHARINAE

ARAGONIÆ,

SANDOVAL, &c.



Continet in Bibliothecam S. Petri in Monte aureo

NEAPOLI, M. DC. XCVII.

Ex Typographia Caroli Porpora, & Caroli Troyse.

Superiorum facultate.

REPORT 1913

ANNUAL REPORT

1913

REPORT OF THE

ATTORNEY

GENERAL

STATE

OF

THE

STATE

OF

THE

6

3 EXCELLENTISSIMO DOMINO

D. LODOVICO

LACERDA

METHYMNÆ COEDUCI, &c.

Et Regni Neapolitani Proregi, &c.



Vamquam, Excellen-
tissime Princeps, fe-
lici nuncio allato de
reparata **CAROLI SECVN-**
DI

DI salute, statim Orationem, & Poema composui, ut incredibilem animi mei lætitiā significarem; tamen memor Horatij in arte poetica asserentis, nihil, nisi nonum prematur in annum, nihilque, nisi perfectum sit ingenio, & elaboratum industria, in lucem esse proferendum, jacere hæc in tenbris sepulta statueram. Nunc verò perspiciens omnes ferè hujus Civitatis viros æquè eloquentia, ac

crudi-

eruditione conspicuos tanta de re
nullam facere scribendi interca-
pedinem, assiduisque typis ma-
ximum gaudium testari non de-
finere, volui diuturno silentio,
quo adhuc usus sum, finem im-
ponere, atq; aliquid prælo com-
mittere, præsertim cum Rhetori-
cam profitear in Neapolitana Aca-
demia, quam Hispaniarum MO-
NARCHA munifice sustentat,
& fovet, ne aut officio deesse,
aut in ingrati animi vitium inci-

dere

DI salute, statim Orationem, & Poema composui, ut incredibilem animi mei lætitiā significarem; tamen memor Horatij in arte poetica asserentis, nihil, nisi nonum prematur in annum, nihilque, nisi perfectum sit ingenio, & elaboratum industria, in lucem esse proferendum, jacere hæc in tenbris sepulta statueram. Nunc verò perspiciens omnes ferè hujus Civitatis viros æquè eloquentia, ac

crudi-

eruditione conspicuos tanta de re
nullam facere scribendi interca-
pedinem, assiduisque typis ma-
ximum gaudium testari non de-
finere, volui diuturno silentio,
quo adhuc usus sum, finem im-
ponere, atq; aliquid prælo com-
mittere, præsertim cum Rhetori-
cam profitear in Neapolitana Aca-
demia, quam Hispaniarum MO-
NARCHA munifice sustentat,
& fovet, ne aut officio deesse,
aut in ingrati animi vitium inci-

dere

dere videar : Itaque Tibi ex ani-
me consacro , ac dico Orationem , & Poema de nostri RE-
GIS reparata salute unà cum Poe-
mate , quod ipse nactus occasio-
nem dicendi de eximijs , ac pe-
nè Divinis virtutibus Excellentis-
simæ D. CATHARINAE Ma-
tris Tuæ , cujus anima nuper ex
corporis vinculis , tanquam è car-
cere , evolavit ad Cœlum , in
tantæ Heroinæ funere pro mei
ingenij viribus (si quid est in

me

me ingenij , quod sentio quam
sit exiguum) paucis diebus effin-
xi . Tuæ profecto magnitudinis est
hæc vel minima opuscula non
aspernari , quæ licet luce digna
non sint , tamen à fulgentissi-
mis eximij nominis Tui radijs lu-
men aliquod acceptura confido .
Te igitur etiam , atque etiam oro ,
atque obsecro , ut hanc animi
mei significationem hilari fronte ,
benignoque vultu excipias . Cœ-
terùm sospitet Te Deus , & tu-

tum ab omnibus fortunæ injurijs
Te servet, nullasque humanæ vi-
tæ procellas reformides, Nesto-
reamque ætatem degas. Vale, o
nostrum præsidium, & decus.
Datum Neapoli ij. Kal. Iul. An-
no à Partu Virginis 1697.

Excellentiæ Tuæ

Humillimus, & addictissimus Servus

Joseph Thoma.

JOSEPHI THOMÆ
In Neapolitana Academia Rethoricæ Professoris
O R A T I O
D E R E P A R A T A
CAROLI SECUNDI
S A L U T E.

AD EXCELLENTISSIMUM
D. LODOVICUM LACERDA
DUCEM METHYMNÆ COELIÆ,

Atque hujus Regni Dignissimum Proregem, &c.

PRÆSENTAT



Ellem, Excellentissime Princeps, hodie-
no die tanta mihi esset ubertas ingenij,
tantaque dicendi copia, ut incredibilem
lætitiā, quam ex CAROLI SECUNDI Hispania-
rum Monarchæ reparata salute percepimus, Oratio-
ne complecti possem. At quis tam disertus, tam

A

fa-

facundus inveniatur, qui huic oneri non succumbat, huic muneri satis esse possit? Si excitarentur ab Inferis Tullij, ac Demosthenes, profecto tam immensi gaudij, quo perfunditur animus noster, ne minimam quidem partem verbis exprimerent. O faustum, ac felicissimum Nuncium! o dies gemmis, ne dum albo signanda lapillo! o fortunatum temporis punctum, quo REX AUSTRIACUS è faucibus penè mortis fuit ereptus, quo non modo hæc Civitas, sed etiam totus terrarum orbis fuit conservatus. Ecquis tam sensus expers non gestiat? quis tam beati, ac verè aurei sæculi sortem noctes, atque dies non celebret? quis tantam hilaritatem vultu non præferat? lætantur pueri, juvenes, senes, omnis ætas, civium omnis ordo, ac Deo pro tanto beneficio immortales gratias agere non desinunt. Lætatis & ipse maximè omnium, Princeps Excel-

len-

lentissime , qui de Regia salute per literas certior factus , cum summam voluptatem capere non posses , statim magno cum plausu tormenta bellica in arcibus explodi iussisti , noctis tenebras festis facibus fugasti , ferias in foro , dies festos , ac hilares in Urbe indixisti , atque in Templis solemnium cum apparatu , & pijs concentibus Divino Numini sacrificia offerri pro gratiarum actione voluisti . Lætatur Regalis Aula : exultat Regium Palatium : nunquid nostra mœret Neapolis ? Parietes ipsi prægaudio exultare videntur . Gratulatur de reparata CAROLI SECUNDI salute nostra Civitas , atque in sinu gaudens , sexcenties gratulatur : etenim occidisset , si nostra salus , spes nostra , noster amor , vita nostra periisset . Actum esset , si CAROLO SECUNDO caruissemus : quo nullum alium Regem prisca sæcula meliorem tulerunt , nec quenquam.

alium sequens ætas viderit præstantiorem. Ejus enim genus si spectes, ab antiquissimis quidem, & fortissimis Heroibus traxit originem, qui non solum nostræ memoriæ, sed etiam omnes vetustatis Principes virtute, & gloria superarunt. Ac ne singulos Atavos, Reges, Imperatoresq; enumerem (id enim longissimam quidem historiam, non brevem orationem: multorum annorum, non brevis temporis spatium requireret,) unius tantum ex tot Augustissimis majoribus, CAROLI nimirum QUINTI memoriam recolere mihi liceat, qui plures ferè victorias, quàm vitæ dies numeravit: plures triumphos meritus est, quam cæteri concupierunt: plura bella feliciter gessit, quàm alij legerunt: plures Provincias devicit, quàm cæteri peragrarunt: florentissimas hostium copias delevit: plurimas urbes direptioni dedit, atque incendijs: gentes immanitate

bar-

barbaras edomuit : multosque populos ad suam ditionem quàm celerrime redegit . Testis Africana Carthago , quæ tot annos Populum Romanum defatigavit , diripuit ; à CAROLO V. brevi temporis intervallo superata , ac devicta . Testis Pannonia , quæ apud Danubium crudelissimum Turcarum Tyrannum solo CAROLI nomine expulsum , & fugatum aspexit . Dicant Galli , Sicambri , & Cimbri . Dicat Europa , atque omnis terrarum plaga ejus clarissima gesta , cujus famam semper posteritas admirabitur , cujus de laudibus nulla unquam ætas conticescet . O Heros inter omnes maximus recensendus ! o CAROLI SECUNDI Atavus gloriosissimus ! o AUSTRIACA de Cælo delapsa progenies ! Etsi ex ungue Leo , atq; ex umbra cognita fuit olim Pyramidum altitudo , satis sit ex hoc uno totam AUSTRIACAM profapiam demonstrasse . Quid autem , si
in-

innumeras, & eximias CAROLI SECUNDI virtutes contemplari velimus? Omnis quidem acies ingenij tot virtutum lumen intuens, hebescet. Quis enim ejus comitatem, ac benignitatem non admiretur? cum omnibus Regia pateat: nemini prohibeatur accessus: omnes sereno vultu excipiat: omnes amabili majestate alloquatur. Quis ejus misericordiam ad Coelum laudibus non efferat? cum nemo egens, quod petit, non impetret: nemo rebus suis desperans, cui non præbeat auxilium. Quis ejus continentiam prætereat? cum nullis voluptatum illecebris moveri, nullo Sirenum cantu trahi possit: ut, tanquam Xenocrates, ne candor animi, atque integritas labefactetur, mori malit, quàm fœdari. Quis non obstupefcat animo perpendens, qua mansuetudine sedet iram: qua temperet dolorem patientia: qua animi serenitate mœroris nubes disjiciat: quo

be-

benevolentiae fonte odij flammæ extinguat? omnes enim commotiones, quæ in mentis arcem tumultus excitare solent, virtutum habenis coercet, ac regit. Quanta Justitia populos, Urbes, & Regna moderatur? quanta tranquillitate geminos terrarum orbes gubernat? cum mœrentes honoribus, nocentes meritis afficiat supplicijs. Quanta effulget clementia, & mansuetudine? qui non modò ijs, qui ipsi nocere voluerunt, vitam remisit, sed etiam amplissimis dignitatibus cohonestavit: qui neminem puniri vellet, nisi vereretur, ne scelestorum hominum multitudo sua cresceret indulgentia. Quàm eximia prudentia, & fortitudine belli Duces, ac milites deligit, exercitus armat, & conflatur, castra præfidijs munit, ab hostium incursionibus defendit? quàm singulari pietate Christi religionem propagare conatur? quem neque Aulæ splendor, neque Imperij

perij magnitudo , neque amplissimus Dominatus ,
 neque luxus à sancto , & pio consilio remove-
 ruerunt . Hinc templis donaria , materia , & opere
 mirifica dicare , & sacras ædes construere non desi-
 nit : Deo sacrificia offerenda , supplicationum illu-
 stres Pompas , & quæcunque ad Divinum cultum
 conferunt , conficienda semper curavit . Quod si Asiæ
 Reges , ac Dynastæ sive , ut fugientis gloriæ um-
 bram , nominisque famam quærerent , sive Numinis
 colendi studio , ac religione ducti , se clarissimos ,
 ac fortunatos putabant , si ad Ephesinæ Dianæ tem-
 plum cohonestandum magno sumptu , ac opere , vel
 unam columnam adjecissent : quam nominis immorta-
 litatem sacræ magnificentiæ operibus AUSTRIACUS
 REX non est assequutus ? Dum stabit Alexandria ,
 conditorem suum , tanquam parentem , Alexandrum
 loquetur : nec fama nostri Regis delebitur , dum
 sta-

stabunt viæ, quas stravit: ædificia, quæ construxit:
 mœnia, quæ erexit: urbes, quas instauravit. Et si
 Claudius Appius Populo Romano non tam cærus
 fuit propter præstantem sapientiam, generisque no-
 bilitatem, quàm ob viam stratam, quæ veterum
 Scriptorum monumentis de suo nomine celebratur:
 quàm carissimus est suis subditis CAROLUS SE-
 CUNDUS ob publicas constructiones? An supremas
 REGIS AUSTRIACI laudes attigimus? Nullum sa-
 nè tantum est flumen ingenij, nullaquæ dicendi
 tanta vis, quæ non dicam exornare, sed ejus vir-
 tutes enumerare possit. Itaque sileat suos Cyros,
 atque Darios Persis, Philippos, & Alexandros Ma-
 cedonia, Ptholomæos Ægyptus, Mausolos Caria,
 ac suos Cæsares Roma. Cedant omnes uni CA-
 ROLO SECUNDO Hispaniarum Monarchæ, ac
 nostri Regni Augustissimo Regi. Regem tam claro

genere natum, tam benignum, tam misericordem, tam integrum, tam prudentem, & fortem, tam clementem, & mansuetum, tam pium, tam magnificum fera mors rapere nobis est conata. Proh Deus immortalis! in quanto versati sumus periculo, quantis malorum procellis, quantis calamitatum turbinibus jactati, atque exhausti fuissetus, si REX AUSTRIACUS migrasset ad Cœlum? protinus Fides, Pudor, Innocentia, Pietas, ac Virtutes omnes opprimerentur: Fraus, libido, petulantia, temeritas, amentia triumpharent: protinus hostes nostrum interitum, exitiumque anhelantes irrumperent: agros excursionibus depopularentur: omnia quæ possidemus, diriperent: quicquid nobis pretiosi, & æstimabilis esset, raperent: mœnia, domos, arces delerent: templa plurimis repleta donis spoliarent: statim aspiceremus afflictari æquestre ordinem,

nem, squallere Senatani, plorare senes, adolescentes ad Reipublicæ bonum natos, aut trahi ad necem, aut ad miseram redigi servitutem; liberos partim e matrum sinu abripi, partim ante parentum oculos trucidari, Virgines ab hostibus rapi, ac violari, omnia plena cadaveribus, cœde, sanguine, atque hanc Urbem, Italie delicias, fieri funestissimæ Tragediæ spectaculum. O horrendum exitium! o calamitatem intolerabilem! o miseram Neapolim! o infelicem Italiam! o totum terrarum orbem deplorandum! melius esset milles mori, quàm hæc videre, ac sufferre. An cœtera Italie loca quiete fruerentur? Scinderentur quidem Alpes: Apenninus arderet bello: manaret sanguine Eridanus: Tybris præter morem inundans, Capitolium quateret: Inferum, ac superum mare hostium classibus infestaretur: iterum Totilas, & Attilas, eum

Gothis, & Vandalis adessent, armati: iterum Saraceni demolirentur Urbes, pararent incendia; ubique grassaretur fames: ubique esset luctus: ubique clamor, & horror. An Hispania ubi nostri REGIS Aula, tanquam Coelum refulget, acquiesceret? Profecto sine CAROLO SECUNDO, veluti sine Sole suo, jaceret in tenebris. Pyrenæorum culmina fulminibus assiduè ferirentur: moestus doleret Iberus: Tagus fremeret ad Oceanum: majoribus æstibus Herculeum fretum agitaretur: denuo Numantia, & Saguntus solo æquarentur. Nunquid Gallia depositis armis ad Ararim, & Sequanam somnum caperet? finem præliandi faceret? in Belgicas Provincias impetum facere desineret? Heu! quanto sanguine Rhodanus, quanta Scaldis inficeretur clade, quantis Britannia, & Hybernia fluctibus vexaretur! Nunquid Pannonia apud Danubium pacata suos coleret agros,

lætas

lætas exerceret saltationes ? Nunquid in Bosphoro
 Thracio Turcarum Tyrannus suam sævitiam , & im-
 manitatem in Christianos cohibuisset ? An in Asia ,
 & Orientalis Indiæ Insulis nullæ seditiones ? An
 in Messicanis , & Peruvianis oris nulli tumultus ?
 An in Africæ litoribus nullæ cœdes , nulla commo-
 tio ? Quid ? nullæ seditiones ? nulli tumultus ? nullæ
 cœdes ? nulla commotio ? Totus quidem terrarum
 orbis everteretur , ac ferè occideret . Assyrij Imper-
 rij clarissimum lumen scimus esse penitus extinctum ?
 extinxit Principis interitus . Persarum fortunatissi-
 mum dominatum audivimus esse deletum ? delevit
 Principis obitus . Romani Imperij dignitas fuit affli-
 cta ? afflixit mors Principis . Omnes Imperiorum
 occasus , quos audimus , (quot autem non audivi-
 mus ?) uni Principum morti sunt tribuendi . Quod
 si mortuo Alexandro , florentissimi exercitus fue-
 runt

runt profligati, plurimique viri fortes interempti, ac tota ferè Asia, & Europa præliorum arsit incendio, cum de Græciæ dominatu dimicaretur: si interfecto Julio Cæsare Romana Civitas Civium sanguine inundavit, atque homines inhumani civili cæde expleri non potuerunt: quot belli flammæ suscitarentur? quæ cædes? quæ clades fierent? quantum sanguinis effunderetur, si CAROLI SECUNDI, qui multò dignior est Alexandro Macedone, & longe præstantior Julio Cæsare, spiritus è corporis vinculis solutus evolasset ad Cælum? Agamus, agamus maximas DEO gratias pro restituta nostri Regis salute: cujus incolumitas est salus Urbium, Regnorum, totiusque orbis terrarum firmamentum, præsidium, & columen. Agamus æterno Numini æternas gratias pro tanto beneficio, quo Divina Providentia Neapolim, Italiam, Hyberniam,

In-

Indiam, Europam, Americam, ac totum terrarum orbem à calamitatibus, à ruinis, ab incendijs liberavit. Æternas, inquam, Cœlitibus agamus gratias pro CAROLI SECUNDI vita conservata; etenim si vitam ducimus: si Solem intuemur: si agros, si domos, si fortunas possidemus: si castitas, si Justitia, si pietas, si reliquæ virtutes coluntur: si in nostra Neapolitana Acadamia bonæ artes, ut Athenis olim, florescunt: si pax, si tranquillitas Civium animos recreat: si quicquid optamus, est in nobis, id omne CAROLI SECUNDI vitæ acceptum referendum. Quamobrem si navigantes in Jonio, aut Ægeæ mari subitis turbinibus ita fuerint jactati, ut parum abfuerit, quin paterentur naufragium, cum præter spem in portum appulerint, malorum obliti, in litore genio indulgent, ac lætantur: si Cygni, quos in acre ex improvviso advolans

volans Vultur fame agitatus insequitur; urget; jam
 jamque diripere conatur, cum ab ejus rapacibus
 unguibus evaserint, statim ad vada Mæandri, aut
 ad Cisytri ripam jucundum edunt concentum: Nos
 quoque tam gravi, tamque extremo periculo, quod
 nostris capitibus impendebat, liberati, quo gaudio
 perfundimur? qua exultamus lætitia? quam hilarita-
 tem percipimus? Meus quidem animus tantam vo-
 luptatem capere non potest; & si deposita Oratoris
 persona, mihi Poetam agentem liceret uti aut Cytha-
 ra, qua Thebanus Pindarus Olympica, & Pythia
 certamina canere solebat: aut lyra, quam fabulan-
 tur sistere flumina, ac movere saxa: aut Homeri
 tuba, quam Magnus Alexander invidit Achilli,
 profecto tam lætum, ac felicem diem jucundis car-
 minibus celebrarem. O fausta lux! o felicissimus
 dies! Convaleuit REX noster AUSTRIACUS, atq;

ita


atque in arcibus, in domibus, in Templis, omnibusque locis plaude, & modulare. Jam tota Civitas exultat, & plurima dat signa lætitiæ, Te Duce[m] sequens, Excellentissime Princeps, qui tot solemnibus pompis, ac theatralibus ludis nos exhilaras, atque oblectas, qui in Parnassum Palatium transferre, atque Aulam Musarum domicilium reddere voluisti, cum omnium eruditorum cœtum convocaveris, ut AVSTRIACI REGIS nomen immortalitate donetur. Exulemus, & lætemur omnes, atque ut olim Romani devictis, & fugatis hostibus, triumphos parare, ac trophæa instituere solebant: sic nos expulso, ac superato inimico morbo triumphemus: reparata REGIS nostri salute arcus, & trophæa erigamus. Gaudeamus, omnique animum mœrore levemus, atque unâ manus ad Cœlum extollentes maxima cum gratiarum actione petamus,

& ob-

& obsecremus, ut DEVS Optimus Maximus Augustissimum REGEM nostrum AVSTRIACVM semper conservet, ejusque vitæ multos fortunet in annos. O terræ, ac Cœli moderator DEVS, ejus nutu flammæ globi in fornacibus non ardent, procellæ, ac turbines à mari diffugiunt, & Inferi contremiscunt. Depelle in posterum læthales morbos à nostro REGE: CAROLVM SECVNDVM, unicum pietatis exemplum, defende. Ne finas unius vitæ periculo totum terrarum orbem concuti, ac ferè perire: Ne finas unius morte Christianæ Religionis hostes triumphare. CAROLVM SECVNDVM nostrum REGEM, custodi. REX AVSTRIACVS, spes nostra, diù degat in terris. Respice Romæ, & Hierusalem preces, tot populos orantes miserare. Tribue tandem optatam prolem: tribue AVSTRIACO germiui fecunditatem. Nascatur

tandem parvulus, qui tanquam Sol, omnes dissidiorum tenebras à Christianis Regionibus removeat, qui labantem terrarum orbem confirmet, qui devictis, ac disjectis Christiani nominis hostibus, amissa potiatur Solyma, Sanctum Sepulchrum liberet, Romanam consoletur Ecclesiam. Da novam prolem, Omnipotens, tot Regnorum gementium preces exaudi. Vivat CAROLVS SECVNDVS semper felix, semper incolumis vivat. Viue & ipse, Princeps Excellentissime, hujus Regni dignissime Prorex. Vive LACERDA METHYMNÆ COELIÆ, qui magno cum plausu in omnibus optimè te geris, suè in classibus Principatum obtineas, sive in Regnis Imperij clavum teneas: cujus felicissimo auspicio, ac moderamine nostra exultat Parthenope, atq; immortales habens gratias se totam in perpetuum devincit, ac dedicat.

EJUS



EJUSDEM JOSEPHI THOMÆ

P O E M A

D E R E P A R A T A

CAROLI SECUNDI

S A L U T E.



~~RECEIVED~~

L I B E R P R I M U S.

AUSTRIACI REGIS reparatam canto salutem,
Qui morbo ereptus retulit de morte triumphum.

Pierides Divæ, colitis quæ culmina Pindi,

Auxilium præbete, mihi aspirate canenti.

Juppiter, omnipotens, nutu qui cuncta gubernat,

Dilectum cernens populum, gentemque fidelem

In

In terris latè cumulantem altaria donis,
 Vota, precesque hominum lætus iam corde fovebat.
 Ast ubi Threicijs convertit lumina terris,
 Arma parare videns, atque horrida bella minari
 Regnatorem Asiæ injustum, sævumque Tyrannum,
 Turbidus hæc secum Divina mente loquutus:
 Gens inimica mihi fidas evertere gentes
 Audeat? & credat victam se vincere posse?
 Vidit hyperboreâ quot corpora strata Vienna?
 Ingentes quotnam spectavit coedis acervos?
 Devictæ Budæ quantum sub moenibus altis
 Sanguinis effusum, cum vertere terga coacti
 Sunt sævi Thraces, propriasque relinquere sedes?
 Flumina adhuc atro cernuntur sparsa cruore,
 Fusaque nunc latos albescunt ossa per agros.
 Miscere ergo iterum audebunt hæc prælia gentes?
 Corpora multa virum passim sternentur arenæ?

Ali-

Alitibus, canibusque feris data præda jacebunt?

Ipse ego conjiciam vibranti fulmina dextra,

Disjiciamque acies, misera ac morte resolvam.

Non secus ac stravi quondam, detrudere Cælo,

Cum me certantes armis voluere, Gigantes.

Talia tum secum Divina mente volutans

Omnipotens, Aquilam ad se protinus ipse vocavit,

Quam sic compellat flammatis vocibus ultro:

Nuncia fida mihi, cœlestes desere sedes,

Vulcanique domum tenues pete tecta per auras,

Atque mea hæc illi mandata referre memento:

Dic, subito conflet radiantia fulmina, possim

Urere queis sevas acies, classemque rebellem.

Sic ait: at dicto parens hæc Ocyor Euro,

Trinacriæ ad litus rapidis se contulit alis.

Cum vero levibus pennis pervenit amœnos

Ad campos, Cereris vernos ubi filia flores

Lc.

Legerat, & fuerat crudeli rapta Tyranno.
 Allapsa extemplo fumante in vertice sistit,
 In cujus latere & vasta sub rupe cavata,
 Antrum immane sonat, rutilantem ructat & ignem.
 Dat gemitum tellus, strepitu Cœlum omne resultat,
 Finitimæque pavent urbes, nemus omne remugit,
 Omnis & agricola hoc sonitu perterritus arva
 Deserit aufugiens, curamque relinquit aratri.
 Exanimant tantum resonantia saxa caminis.
 Atram speluncam ingreditur pennara Satelles,
 Nec timet horrendos sonitus, flammæque voraces.
 Ignitum ferrum hoc vasto Cyclopes in antro
 Viribus exercent validis, nudusque Pyracmon,
 Brontes, & Steropes geminant incudibus ictus.
 Tegmina tuta cavant capitum, clypeosque decoros
 Effingunt alij, rutilasque in casside cristas,
 Loricas alij expediunt, ensesque nitentes;

Fer-

Fervet opus, cuncti noctesque, diesque laborant.
Hæc opera Ætnæo fabrilia spectat in antro
Ales, at Ignipotens mira cælaverat arte
Fulgentem clypeum gemmis, auroque micantem,
In latere aspicitur triplici circumdata muro
Buda potens, nimiumque obsessa potentibus armis;
Scandere certatim facta ~~testudine muros~~
Contendunt hostes: nequeunt defendere Cives,
Sternuntur partim confossi pectora segnes,
Arripiuntque fugam partim formidine capti,
Invictamque urbem quondam, patriamque relinquunt.
Ast alia clypei fulgentis parte Vienna,
Hostibus innumeris multa obsidione tenetur.
Non ullam Cives possent sperare salutem,
Ni daret auxilium Princeps, acerque Polonus.
Hæc Pater in clypeo miranda dum arte polibat
Lemnius intentus, convertens lumina circum,

D

Vidit

Vidit Avem ; scutum confestim informe relinquens,

Effudit tales hirsuto è pectore voces :

Quæ tibi causa fuit , magni Jovis armiger , ædes

Linquere fidereas , nostrasque intrare cavernas ,

In quibus assiduus circumtonat ictibus Æther ,

Ætnæique struunt Marti dura arma Cyclopes ?

Hæc Vulcanus ait : Cui talia reddidit Ales :

O Deus Ignipotens , Cœli delapsa per auras ,

Hûc Jovis Imperio veni . Hic te fingere jussit

Fulmina , ut hostilem possit comburere classem :

Hæc fata : Ille videns atro Cyclopas in antro

Intentos operi , sic vocibus ora resolvit :

O Fidi Socij , tribuit queis robora virtus ,

Imperfecta feri nunc arma relinquire Martis ,

Fulmina sunt fabricanda Jovi , quo cuncta tremiscunt ,

Cujus jussa nefas contemnere : viribus usus

Nunc vestris : vestra nunc est opus arte magistra :

Præ-

Præcipitatè moras: incepta reponite Martis
Arma citi: totisque incumbite viribus omnes:
Fulmina solliciti summo fabricate Parenti.
Dixerat: Illi autem properantes cœpta reponunt
Arma, atque effingunt supremo tela Tonanti.
Regina alituum armorum miratur acervum,
Et stupefacta simul rerum novitate requirit,
Quid struat his armis Mars, & quæ bella pararit:
Ingentem gemitum tum imo de pectore mittens
Lemniacum Numen, mœerenti hæc edidit ore:
Quanquã animus meminisse horret, penitusq; pavescit,
Innumeras cœdes, horrendaque bella referre,
Quæ latè fuerint totum dispersa per orbem.
At si tantus amor pugnarum noscere causas,
Terrarumque juvat magnos audire labores,
Accipe, quæ referam, memorique in pectore serva:
Egregia in terris Princeps pietate refulgens,

Qui regit Imperio terras, populosque gubernat,
CAROLUS AUSTRIACUS claro cognomine dictus,
Cunctorum nulli Regum virtute SECUNDUS;
Hic morbo jacet in stratis, febrique maligna,
Claudet & æterno jam jam sua lumina somno,
Et paucis horis terrarum deferet orbem.
Heu! quantas cædes Orbis, quot sæva videbit
Funera, vitales Princeps si liquerit auras!
Sanguine quam multo manabit mœstus Iberus!
Quam Tagus Oceani luctantibus obstrepet undis,
Herculeumque fretum maioribus æstibus actum,
Quot rapidos tollet suprema ad sidera fluctus!
Ipse caput Rhodanus medijs extollet ab undis,
Emittens tristes imo de corde querelas,
Corporibus cæsis plenas cum viderit oras,
Viderit atque suas infectas sanguine lymphas.
Tunc præter morem percurreret Scaldis inundans

La^{si}

Latos per campos, atroque cruore rigabit
Rura propinqua: gemitq; Britannia mœsta ruinas,
Atque suam lacrymans spectabit Hybernia mortem
Bella gerens: nullos recolet Germania campos,
Non ullos edet cantus, nullasque choreas
Exercebit ovans: mœstus lugebit & Indus:
Bosphorus aspiciet crudelia bella Tyranni
Threicij, plorans & Messica Terra pavebit:
Africa littoribus cernet sua funera passim:
Alpes scindetur, manabit sanguine multo
Eridanus, turgens quatiet Capitolia Tybris:
Italix fortasse iterum mox Vandalus oras
Adveniet, camposque armato milite complens,
Corpora multa virum sternet, stragemque parabit:
Non secus ac præceps Montis de vertice Torrens
Saxa trahit rapide, & sylvas rapit omnia secum,
Exitium armentis affert, domibusque ruinam:

Omnia

Omnia sic armis evertet ferreus hostis;
Cædentur latè pueri, Juvenesque, Senesque,
Crinibus & matres frustra de more solutis;
Templa petent superum votis, precibusq; requirent,
Ut tanti belli flammæ ardor definat.
Tunc malesuada fames cunctis grassabitur oris,
Clamor ubique, pavor, funestæ & mortis Imago.
Quis referet cladem, toto quæ fiet in orbe?
Hæc, hæc causa fuit, cur Mars hæc arma rogarit,
Cur nostri assiduus manent sudoribus artus.
Mulciber hæc. Ales contra est his vocibus usa:
Da precor, o Vulcane, statim mihi fulmina, rapinam
Nam mea Coclicolum ad Regem flagrat ire voluntas,
AUSTRIACO ut REGI possim impetrare salutem,
In terris qui unus claro sub stemmate nostram
Exprimit effigiem, ac tanto dignatur honore.
Da, Vulcane, mihi subito, da tela trifurca,

Una

Una falus Regis cogit properare, salutis
Cura nimis tanti Regis mea pectora mordet.
Continuo ille jubet socios celerare Cyclopes,
Qui prompti ducunt horrendos fulminis ignes.
His Avis acceptis, Vulcania testâ relinquit,
Æthereasque plagas rapidis petit ardua pennis;
Nec sistit quamvis Cœlum nox atra tenebris
Cingat, & alituum, & pecudum genus omne quiescat,
Quamvis & nullo splendescat Luna nitore,
Nec solito ardentes stellæ splendore coruscent.
Ast ubi jam medium Cœli tranaverat Ales;
Ecce rubescebat pulsâ Aurora tenebris,
Eoamque domum clarus referabat Apollo,
Cujus fulcitur tectum sublime columnis,
In quibus effigies geminis, rutilisque Pyropis,
Undique præfulgent adamantibus, atque smaragdis,
Signaque Zodiaci referunt, septemque Planetas.

Una

Una ex parte domus renitet jucunda juvenus
Anni, cui texunt violæque, & lilia amictum
Candida, cui cingunt florentia tempora ferta.
Parte autem ex alia spicarum cincta corollis,
Torrida conspicitur maturis frugibus æstas,
Qua nitidi fontes arent, herbæque virentes.
Cernitur Autumnus robusto corpore, vestis
Sordida cui pendet, maculata, impexæque barba,
Cui rubro vultus musto, vinoque rubescit.
Hinc glacialis Hyems canis hirsuta capillis,
Horrens expallet, trepidat, nivibusque tremiscit.
Non procul inde Senex, nulla est quo longior ætas,
Semper iter rapidum tendens velocibus alis,
Dente terit chalybem, ferrumq; & marmora frangit.
Omnia consumit, totis at viribus illos
Non lacerare potest libros, quos dextera gestat,
In quibus apparet quicquid scripsere disertis

In-

Inclita gesta Ducum, veterum & monumenta virorū.
Temporis è rabido rosa omnia dente peribunt;
At literis, armisque manet, semperque manebit
Gloria, & immortale decus fulgebit in ævum.
Interea celeres horæ è præsepibus altis
Educunt currum, cuius temo aureus, aurei
Atque orbes, simul ex auro præluceat & axis;
Et radij rutilis gemmis, auroque renident.
Sub juga jam positi spirant è naribus ignem,
Hinnituque auras feriunt, & Xanrus, & Æthon.
Ascendens currum reteggit jam lampade terras
Titan, fertque diem, totumque illustrat Olympum.
Tunc accessit Avis, Jovis atque ingressa Tonantis
Cœleste ad solium, vultum demissa profatur:
O Pater Omnipotens, Uulcani tecta petivi,
Hic tibi Cyclopes jussit fabricare corusca
Fulmina, & arma statim sævi deponere Martis.

E

Ast


Ast ego loricas, clypeos, ensesque nitentes
Aspiciens, cœpi scitari, & quærere causam;
Tot cur Cyclopes gladios, atque arma pararint:
Rettulit ille mihi ad suprema accedere fata
Heroë AUSTRIACUM, unde horrentia prælia surgēt.
His ego perceptis, celer antrum immane reliqui,
Præcipitique tibi cursu fera fulmina duxi,
AUSTRIACI ut supplex possim exorare salutem.
Da pater, Omnipotens, Regi concede migranti
E vita longam vitam, miserare gementes
Tot populos, gentesque, mei miserere dolentis.
AVSTRIACVS Princeps spatium si finiet ævi,
Exprimet effigiem nostram quis stemmate Regum?
Ante tuas aras quisnam tibi thura cremabit?
Quis tibi sacrificans meritos persolvat honores?
Edidit hæc orans: Summi at Regnator Olympi,
Fulminibus positus, Maja vocat Arcada natum.
Quem

Quem sic alloquitur : Propera Caducifer Hermes
Tartaream ad sedem, quæ habitant in faucibus Orci,
Adveniant diræ Parcæ. Nec plura loquutus :
Tum Maja genitus nescit talaria plantis,
Protinus & Scythicas Boreæ se duxit ad oras.





LIBER SECUNDUS.



P Arrhasiæ est regio gelido sub Virginis axe,
 In qua recta jacet densis spelunca tenebris,
 Immanis, præceps, atris serpentibus horrens.
 Non ulla hùc penetrant radiantia lumina Solis,
 Non ullam lucem, Phœbe, nec sidera mittunt.
 Mercurius densas Erebi hâc descendit ad umbras.
 Vestibulum ante ipsum, luctus non territat illum,
 Nec metus, ultrices curæ, nec tristis egestas,
 Nec labor, atque fames, morbus, squallensq; senectus,
 Nec dolor, aut lethum, somnusque simillimus ipsi;
 Non illum terret bellum, aut discordia demens,
 Nec sævi Emenidum thalami, sedesque cruentæ,

Et

Et quamvis Hydra insurgat, flammisque Chimæra
Intonet horrendum, quamvis Stympthalides uncis
Unguibus invadant, & Gorgones anguibus atris:
Attamen impavidus transit Phlegethontis ad undas,
In cujus ripa gemit horrida cymba Charontis.
Nec canis infernus terret tria guttura pandens,
Obscurasque implens vastis latratibus umbras;
Quin etiam agnoscens Numen rabido ore quievit,
Movit & illecebris caudam, pressitque latratus.
Divum incedentem non detinet ipsa flagello
Tisiphone, non Aleô redimita colubris,
Non quæ mille modis torquet truculenta Megæra.
Transit Atlantiades, gemitus atque audit eorum,
Queis turpi incensum, nimiaque libidine pectus
Arserat in superis terris, dum vita manebat.
Fœdum nidorem sentit, tristemque Mephitim,
Quam stygis exhalant horrendæ stagna paludis.

Aspi-

Aspiciat & pœnas scelerum, ut crucientur in imo
Fulmine confixi, strati, victique Gigantes.

Aspiciat, ut vinculis strictus, radijsque rotarum
Pendeat Ixion, qui se jactaverat esse

Complexu dignum Junonis: at illicò magnus
Juppiter intorquens fulmen demisit ad Orcum:

Cernit, ut in medijs dirus stet Tantalus undis,
Pomaque diffugiant, avidus dum carpere quærit:

Nec tamen hæc sceleri est æqualis pœna putanda,

• Membra sui Pelopis mensis apponere Divum

Ausus cum fuerit: pietas non ulla parentis

Continuit dextram. Scopulis ò durior ipsis!

Cernit, uti Tityi rostro cor devoret unco

Immanis Vultur, quo pasci haud desinit unquam:

Hanc patitur pœnam Phœbi, quando ipse parentis

Quæsit temere castum violare cubile.

Nec tulit impune hoc facinus Pharetratus Apollo,

Ejus

Ejus nam telo pectus confodit acuto.
Tum videt, ut diræ nequicquam Belides undas
Sanguine fœdatæ fluidas in vase reponant,
Ex quo mille vijs, multoque foramine lymphæ
Defluit: æterna hac plestuntur crimine pœna.
Spectat, ut ex alto rediturum vertice saxum
Sisyphus adducat, nam Cœli arcana ~~re~~rexit.
Pirithoum spectat, fatis qui agitated iniquis
Plutonis quærens thalamos fœdare jûgales,
Reginamque Orci, dominam violare potentem;
Plestitur immani saxo jam, jamque cadenti.
Prospicit ac illos, qui incestus, furta, rapinas,
Atque dolis varijs ausi fraudare propinquos,
Spernere Justitiam, quicunque & frangere leges
Divinas voluit, flammis ultricibus omnes,
Noctes, atque dies ardent, glacieque nivali.
Vexantur, rabieque gravi, horrentique furore.

At

At jam ad Parcarum sedem Cyllenia Proles
Pervenit , primoque gradus in limine preffit ,
Quarum prima colum retinet , filum altera voluit ;
Tertia sed vitæ pendentia stamina truncat .
O diræ Parcæ , nulli quæ parcitis , inquit ,
Nunc Jovis Imperio ad cœlestia Regna venite ,
Accelerate viam ad Cœlum , nunc tendite gressus ,
Nanque agitur summa de re , terræque ruina .
Talia voce refert : Cœli ac petit astra volatu.
His dictis stupuere Deæ fatalia nentes
Stamina : supremique Jovis mandata facessunt .
Hinc imas Orci sedes , Erebumque relinquunt ,
Atque statim celerant cursum bipatentis Olympi
Ad celsum Regnum , ac folium sublime Tonantis :
Venistis , diræ Parcæ , tùm Juppiter infit ,
Stamina quæ vitæ netis , nec parcitis ulli :
AUSTRIACI REGIS vitæ ne scindite fila ,

Aurea

Aurea fila colo æternum duçenda per ævum ;
 Sed ne Tartarei vultus cœlestia fœdent
 Regna, meis procul ite, procul discedite tectis,
 Non licet hac vobis lucenti in sedē morari,
 Quæ luctum, mortemque datis, nam spiritus omnis
 His oris habitat formosa lucē refulgens.
 Vos habitare decet fundo telluris in imo,
 Semper ubi tenebræ, pallens ubi semper & umbra.
 Dixerat: Accelerant illæ velocius Euro,
 Umbrarumque graves sedes, barathrumque revisunt;
 Atque ubi Cocyti ad flumen, stygiamque paludem
 Advenēre, Jovi parent, fila aurea ducunt.
 Hoc Pluto advertens, scitari, & querere causas,
 A Jovē cur fuerint ad lucida Regna vocatæ,
 Illæ autem referunt supremi jussa Tonantis,
 Aurea quo fuerint vitæ dare fila coactæ
 AUSTRIACI REGIS. Dirus tum pectore ab imo,

F

Dat

Dat gemitum Pluto, quatiens & cornuà frontis,
Dentibus ac mordens caudam stridentibus, ignem
Luminibus vibrat, flammisque eructat ab ore,
Horrendumque freuens vasto sic intonat antro:
Nonne satis fuerat Cœli me pellere sede
Juppiter, ac fratri tenebrarum tradere Regnum?
Quid juvat hoc Regnum, vacuum si reddere curas
Manibus? AVSTRIACI REGIS producere vitæ
Stamina cur tentas? vitæ si linqueret atras
Hic Princeps, totum fierent fera bella per orbem;
Et nigra innumeræ ruerent ad Tartara manes.
AUSTRIACUM Heroem patiar non ducere vitam.
Efficiam ut cernas terræ, Cœlique ruinam.
Non ego inultus ero, crudelia bella movebo
In superos, validisque meis vis nulla resistet
Viribus, evertam terras, pelagusque profundum,
Cœlicolasque tua sublimi è sede repellam.

Invito

Invito AUSTRIACUS morietur, Numine, Princeps.

O Fidi focij, Domino succurrite vestro,

Scindite vos Regis, vos flamina scindite vitæ.

Hæc ait, atque ingens gemuit, mugitque caverna:

Vocibus horrendis sævæ accurrere sorores,

Seque Jovi Stygio præbent parere paratas.

Hic verò Aleæto stridens horrendibus hydriis

Protinus exclamat, rabidisque ita vocibus infit:

Ecce tuis jussis me promptam maxime Princeps,

Quodlibet ad facinus detur mihi cura nocendi,

AVSTRIACI REGIS contingam crinibus artus

Vipereis teneros, atro spargamque veneno,

Ille meis tandem sternetur viribus hostis.

Sic fata est: Rabie Pluto succensus, & ira,

I, decus umbrarum, propra: pete tecta SECVNDI

AVSTRIACI CAROLI: nostro cadat ille veneno.

Vix hæc ediderat: Celerans velocibus alis

AVSTRIADVM sedes, aulamque petivit Erinnyſ.

Juppiter interea Parnaffi ad culmina montis

Mercurium mittit, crinito edicere Phœbo

Vt subito varias celsis è montibus herbas

Colligat, & flores, succos, ac balfama conflēt,

AVSTRIACVM ut REGEM ægrotantem liberet eſtu.

Divorum Patri parens tum Penniger Arcas

Advolat, atque jugis Muſarum conſtitit altis.

Collibus Aonijs procul eſt genus omne ferarum:

Imbriferæ nullæ nubes hoc culmen adumbrant:

Turbidus haud agitur rapidis Aquilonibus aer:

Africus, atque Notus non ulla hîc prælia miſcent:

Aſpera non regnat glacies, nec frigoris horror:

Hîc nemora ornantur myrto, lauroque virenti:

Perpetuò floret tellus, Cœlumque ſerenum

Ridet, & æternos emittit campus odores:

Ver hîc perpetuum, ſemper levis aura movetur?

Hîc

Hic Musæ resonant permulcent æthera cantu,
Phœbus & in medio redimitus tempora lauro,
Concentum dulcem nunc his, nunc imperat illis:
Quælibet alternis modulatur carmina voce
Ad fontis ripam, cœpit qui volvere lymphas,
Bellorophontis equi cum perculit ungula saxum.
Calliope formosa novem Regina fororum,
Fortia facta Ducum, generosa & gesta virorum,
Qui fudere prius multo cum sanguine vitam,
Ac sibi pugnautes famam peperere perennem,
Mellifluis pandit modulis, ac tollit ad astra.
Ingeniosa refert Clio res temporis acti,
Omnes Liorum laudes, hominumque triumphos.
Implens Melpomene lacrymosis quæstibus auras,
Flet tragicos Regum clades, & funera acerba:
Sed licet hæc recinat nonnulla moventia fletum,
Corda tamen querulis lamentis sedat, & aures.

Feli-

Felices rerum eventus, casusque secundos,
Dulciter eloquitur plectro resonante Thalia.
Euterpe calamo, ac tenui modulatur avena,
Damonis, Lycidæque, & agrestia facta Menalcæ.
Therpsicore blandis citharis iramque, metumque,
Et spem, lætitiæque, fugam, magnumque dolorem,
Concinit affectus varios, movet, imperat, auget.
Dulcisonis Erato numeris decantat amores,
Exercet choreas, præfert & gaudia vultu.
Uranie referens motus renitentis Olympi,
Describit tenero palantia sidera cantu,
Solis, & accessus, cursum, rapidosque recessus.
Brachia deducit molli Polyhymnia gestu.
Nititur hic ingens numerus, Juvenumque, Senumque
Passibus haud lentis Pimplæum scandere montem,
Sudore exhaustus nimio, nimioque labore;
Sed vix defessus multum post temporis unus

Per-

Pervenit, & frontem viridanti fronde coronat.

Tum Maja genitus fari sic incipit ore.

Phœbe potens cantu, succos qui noscis, & herbas,

Corpora cui virtus sanandi, & cura medendi

Plurima concessa est, Cœlo me misit ab alto

Juppiter æthereus, tibi ut hæc mandata reportem.

Fac, ait, ille legat varijs de montibus herbas;

Exprimat & succos, pretiosaque balsama conflet,

Ad primam ut possit Regem revocare salutem.

AVSTRIACVM, tristi morbo, febrique gravatum.

Dixerat: at gremium lacrymis implevit Apollo,

Namque fuit Phœbo carus, Musisque SECVNDVS

CAROLVS AVSTRIACVS, nostri nova gloria Secli.

Ingentes gemitus imo de pectore ducunt

Pierides Divæ, pariter Phœbumque precantur,

Ut det opem AVSTRIACO REGI, mortisq; periclo

Liberet herbarum virtute, atque arte medendi.

Ex-

Felices rerum eventus, casusque secundos,
Dulciter eloquitur plectro resonante Thalia.
Euterpe calamo, ac tenui modulatur avena,
Damonis, Lycidæque, & agrestia facta Menalcæ.
Therpsicore blandis citharis iramque, metumque,
Et spem, lætitiæque, fugam, magnumque dolorem,
Concinit affectus varios, movet, imperat, auget.
Dulcisonis Erato numeris decantat amores,
Exercet choreas, præfert & gaudia vultu.
Uranie æferens motus renitentis Olympi,
Describit tenero palantia sidera cantu,
Solis, & accessus, cursum, rapidosque recessus.
Brachia deducit molli Polyhymnia gestu.
Nititur hic ingens numerus, Juvenumque, Senumque;
Passibus haud lentis Pimplæum scandere montem,
Sudore exhaustus nimio, nimioque labore;
Sed vix defessus multum post temporis unus

Per-

Pervenit, & frontem viridanti fronde coronat.
Tum Maja genitus fari sic incipit ore;
Phœbe potens cantu, succos qui noscis, & herbas,
Corpora cui virtus sanandi, & cura medendi
Plurima concessa est, Cœlo me misit ab alto
Juppiter æthereus, tibi ut hæc mandata reportem:
Fac, ait, ille legat varijs de montibus herbas;
Exprimat & succos, pretiosaque balsama conflet,
Ad primam ut possit Regem revocare salutem.
AVSTRIACVM, tristi morbo, febrique gravatum.
Dixerat: at gremium lacrymis implevit Apollo,
Namque fuit Phœbo carus, Musisque SECVNDVS
CAROLVS AVSTRIACVS, nostri nova gloria Secli.
Ingentes gemitus imo de pectore ducunt
Pierides Divæ, pariter Phœbumque precantur,
Ut det opem AVSTRIACO REGI, mortisq; periclo
Liberet herbarum virtute, atque arte medendi.

Ex-

Extemplo is colles sublimes advolat Idæ,
 In quibus alma Venus dictamur carpferat olim,
 Cum femur infixum nati curavit acuta
 Cuspide, lethali retrahens de vulnere ferrum.
 At Divum interpres dictis solatur amicis
 Pierides mœstas, memorans jam flamina vitæ
 Protraxisse feras Divino Numine Parcas
 AVSTRIACO REGI, multos qui vivet in annos.
 Hæc inter, lapsos celsi de vertice montis
 Præcipites, cernens Juvenes, hic Nuncius Ales
 Constitit immotus, doctas rogat atque Camænas,
 Quia ratione cadant illi de culmine Pindi.
 Cui placido Musarum una est sic ore loquuta:
 Illi nulla cedro finxere poemata digna,
 Quos nunc præcipitare vides, nullasque biberunt
 Sacri fontis aquas, dicendi his copia semper
 Defuit, hi semper caruerunt divite vena.

Idem

Idem conspiciens auratis plena libellis
Scrinia, quæ sunt tam præclara volumina, dixit?
Illa sub hæc: Libri, quos magnus scripsit Homerus
Hic sunt, & mira quos tradidit Ennius arte:
Dulcibus hic numeris sunt verba ligata Maronis,
Arma, virumque feri cecinit qui horrentia Martis
Hic Lyrici Flacci versus, hic carmina Vatis,
Quem Latio felix eduxit patria Sulmo:
Hic nitet, in scenas quicquid deduxit, & actus
Plautus, & effinxit quodcumque Terentius Afer.
At cum despiceret lacerata Poeamata multa,
Atque abjecta, iterum sic est Cyllenius orsus;
Hæc cur spreta jacent in terra, incultaque scripta?
Calliope dedit hæc contra responsa roganti:
Quæ nunc metra solo cernis neglecta jacere,
Indocta effudit temere, rudis atque Juventus,
Quæ non Castalij libavit fluminis undas.

G

Sic

Sic illa : At Patris supremi haud immemor Ales
Nunciûs, ò Divæ, cogor discedere, dixit,
Jussibus ut possim summi parere Tonantis.
Vos mihi Pierides suaves, caraque valete,
Omnem tristitiam ex animo depellite vestro,
Ex oculis tandem lacrymas prohibete fluentes;
Spero etenim (talis nec me spes pascit inanis)
Me cito Parnassi rediturum ad culmina Montis,
Incolumi de Rege ut nuncia læta repòrtẽm,
Cujus amor dulcis versatur pectore nostro.
His dictis, petijt Cœlestia Regna volatu :
Ac velut in somnis tenuis, quæ apparet, imago
Effugit illa statim rapidis velocior Euris;
Musarum ex oculis fugit sic Plejade natus,



LIBER TERTIUS.

~~REPERITUR~~

L Egerat interea celsis de collibus herbas
 Phœbus, & è varijs conflat balsama succis,
 Redderet ut REGIS moribundi in pristina vires;
 Jamque propinquabat claram Regnantis ad Urbem.
 Hic, ubi ad Oceanum surgunt sublimè columnæ
 Herculeæ, Europæ fines, Libyæque videntur,
 Est ora, Hesperiam veteres quam nomine dicunt,
 Hanc tumidis undis rigat altus Iberus ab Euro,
 Et Tagus à Zephyro, Bætisque à flatibus Austri,
 Cingunt ex Aquilone Pyrenzi undique Montes;
 In media AVSTRIACI CAROLI hac regione refulgēt
 Regia, & hūc celerem cursum direxit Apollo,

Sic illa: At Patris supremi haud immemor Ales
Nunciûs, ò Divæ, cogor discedere, dixit,
Jussibus ut possim summi parere Tonantis.
Vos mihi Pierides suaves, caræque valete,
Omnem tristitiam ex animo depellite vestro,
Ex oculis tandem lacrymas prohibete fluentes;
Spero etenim (talis nec me spes pascit inanis)
Me cito Parnassi rediturum ad culmina Montis,
Incolumi de Rege ut nuncia læta reportem,
Cujus amor dulcis versatur pectore nostro.
His dictis, petijt Cœlestia Regna volatu:
Ac velut in fornix tenuis, quæ apparet, imago
Effugit illa statim rapidis velocior Euris;
Musarum ex oculis fugit sic Plejade natus,



LIBER TERTIUS.

ARGUMENTUM.

L Egerat interea celsis de collibus herbas
Phœbus, & è varijs conflatat balsama succis,
Redderet ut REGIS moribundi in pristina vires.
Jamque propinquabat claram Regnantis ad Urbem.
Hic, ubi ad Oceanum surgunt sublimè columnæ
Herculeæ, Europæ fines, Libyæque videntur,
Est ora, Hesperiam veteres quam nomine dicunt,
Hanc tumidis undis rigat altus Iberus ab Euro,
Et Tagus à Zephyro, Batifque à flatibus Austri,
Cingunt ex Aquilone Pyrenzi undique Montes;
In media AVSTRIACI CAROLI hac regione refulgēt
Regia, & hūc celerem cursum direxit Apollo,

Mœnia qui cernens, altorum ac tecta domorum,
 Hic, ait, in stratis languet virtute renidens
 AVSTRIACVS Princeps, morbo vexatus acuto;
 Miraturque vias stratas, sedesque superbas,
 In quibus Heroes habitant, magnique Dynastæ.
 Hinc, atque hinc vultus manantes fletibus, atque
 Ora modis hominum vidit pallentia miris:
 Audijs, & gemitus, voces, tristesque querelas,
 Quas mœstæ Hesperides, crines de more solutæ,
 Fundunt regifico luxu de marmore structo:
 In templo gemmis nitido, fultoque columnis,
 Quò veniunt lacrymis, votis, precibusque petentes
 AVSTRIACO Regi, caram, optatamque salutem.
 Agnovit Phœbus, fuerat quæ causa doloris,
 Et tristis gemitus, tenditque ad Regia gressum
 Limina. Vestibulum ante ipsum, foribusque superbis
 Inclyta gesta virum multo prospectat in auro,

Per-

Percussusque simul lamentis, atque ululatu,
Undique & assidue mœrens quæis aula sonabat,
Accurrit propere, CAROLI petit inde cubile,
Atque videns stratis ejus pallentia membra,
Vivida namque aberat languenti è corpore virtus;
Ægroto AVSTRIACO immortalia balsama spargit,
Et subito vires repararunt membra priores,
Jucundusque color toto diffunditur ore;
Omnis abit languor, febris decedit & omnis:
Cara salus redijt, letusque recessit Apollo:
Tum caput extollit, tendensque ad fidera palmas
AVSTRIACVS, meritas, inquit, tibi solvere grates,
O Pater Omnipotens, nequæ sub pectore firma
Gratia semper erit, semper celebrabere dicis
Ipse meis. Dixit: Circum & sua lumina volvens
Aspicit astantes mœstos, lacrymasque gementum,
Quos sic solatur placido, vultuque sereno:

Men-

Mentibus re vestris micrōrem tollite. Fidi-
 O famuli; ex animis pavidas deponite curas;
 Jam concessa salus Divino Numine nobis;
 Vos precibus, votisque Deo persolvite grates.
 Sic fatus: Dedit & dulci sua membra quieti.
 Spargitur interea totam vulgata per urbem
 Fama volans, cunctorum ingenti & pectora complet
 Lætitia. Inde senes, Juvenes, castæque puellæ
 Tempia piæ repetunt, onerantque altaria donis;
 Ac veluti magno jactati turbine nautæ,
 Spe sine cum portum tangunt, veterumq; malorum
 Obliti, genio indulgent, lætantur, & omnes
 Sollicitos subito ponunt de corde timores,
 Littore & exercent cantus, lætasque choreas;
 Sic reparata salus REGIS cum venit ad aures,
 Cunctorum inflectit blanda dulcedine sensus.
 A st ululat tantum, stridet, tristatur Erinny's,

-237

Atque

Atque his horrendis clamoribus æthera rumpit?
 Quid faciam infelix? Terris ego victa recedam?
 Quid dicet Pluto? Eumenidum quid turba fororum;
 Cum me Tartarea dejectam in sede videbunt?
 Menè unquam victam terris decedere? Restant
 Vincendi jam mille modi: Regnator Olympi
 Non se jactabit Stygium superasse Acheronta.
 Hæc ait: ac præceps Erebi descendit ad umbras;
 Hanc ubi viderunt mœstam redijisse sorores,
 Illicet horrendis implent ululatibus antrum;
 Ipsa sed immani rabie, cœcoque furore
 Horrifici accedens umbrosum Ditis in antrum,
 Auxilio Superum, clamat, reparasse salutem
 AVSTRIACVM, occultas Erebi valuisse nec artes;
 Pluto his auditis rabidus sic ora resolvit:
 Quid nobis tandem suprema potentia prodest?
 Si neque mortalem Regem compellere dira

Pos-

Possumus ad fata, ut latè fera bella gerantur,
Per quæ mille viri miseranda morte perempti
Pallida Regna petant. Nobis sunt robora, firmo
Pectore sunt vires: evertam viribus orbem.
Vicerit haud semper qui torquet fulmina ab alto:
Haud semper tetro miser in Plegethonte jacebo.
Heu cur, ò Superi, Cœlo qui ducitis ævum,
Audetis vanas naturæ reddere leges,
Et CAROLO, invitis Parcis, conferre salutem?
Quos ego: sed præstat crudelia bella movere.
Sic ille: interea Phœbus festinat ad æthram,
Atque Jovi, pulsam febrim, morbumque fugatum
Enarrat virtute sua, medicamine, & arte:
Juppiter ereptum tanto discrimine Regem
Lætatus, Cœlo fieri solemnia sacra
Indixit, Musasque almo de Monte vocari
Jussit, ut AUSTRIACUM canerent super astra Monarchâ,
Mul-

Mulcerentque Polum cantu, numerisque sonoris :

Parnassi culmen subito Cyllenius Ales

Pacato vultu petijt, Divasque vocavit,

Quæ celeres Jovis ad sublimia tecta volarunt :

His Pater Omnipotens folio sic infit ab alto :

AUSTRIACO, cujus pietas quam maxima fulget,

Stamina tentarunt vitæ cui scindere ~~Parcæ~~,

Cum fuerit collata salus ab Apolline nostro,

Hunc festum celebrate diem, nunc gutture voces :

Ingeminate, lyræ nunc dulcia fila movete

Auratis plectris, melicos & fundite versus :

Carminibus resonent Cœli Palatia vestris :

Tritonis Pallas, Venus aurea, pronuba Juno,

Castâ Diana choros exerceat : Iris, & Hebe

Frondes, atque rosas manibus dent lilia plenis :

AUSTRIACUS vivat, claro de sanguine Prolem

Prognoscat, sceptro totum sustentet & orbem ;

H

Exi-

Eximijs ornet Divina altaria donis,
Usque triumphali redimitus tempora lauro.
Eja agite, ò dulces natæ, decorate canentes
Principis invicti laudes, atque inclyta gesta,
Dulcifono & reboet cœlestis Regia plausu.
Assensere Jovis festivis Numina dictis,
Edensque ore melos liquidum, sic incipit alma
Calliope : Quamquam mandas nimis ardua nobis,
Omnipotens (REGIS summas attingere laudes
AUSTRIACI quisnam poterit ?) tamen ipsa referre
Incipiam, quando tua jussa facessere cogor.
CAROLUS AUSTRIACUS, radianti lumine fortes
Cujus Majores fulsere ut sidera terris,
Excellit cunctis, ut Sol, virtutibus unus.
Hic facile alloquitur semper, vultuque benigno
Admittit populos : ad se non impedit ulli
Accessum, placideque suos amplectitur omnes :

Ma-

Majestas semper lenis spectatur in ipso.
Comiter ò quoties miseris succurrit egenis!
O quoties rebus dubijs solamen amicum
Præbuit afflictis, ipsosque dolore levavit!
Hic animi motus solidæ virtutis habenis
Invictus domuit recta à ratione rebelles:
Laude pudicitæ celebris, maculare pudorem
Noluit illecebris blandis, licet ortus in aula:
Quis fuit in terris unquam observantior æqui,
Imperium Astrææ recta quum lance gubernet,
Jus & cuique suum tribuat, nec læserit ullum?
AUSTRIACO CAROLO quisnam clementior unquam?
Crimine commisso meritas cum sanguine pœnas
Nemo daret; magnus Princeps ni fortè timeret,
Ne sua jam populis clementia tanta noceret,
Quandoquidem vitam crudelibus ipse remisit
Hostibus, & magnos etiam concessit honores.

Regifico luxu molitur templa, nec aras

Definit ante pias redolentia Thura cremare,

Sacratas ædes pretioso munere complet,

Votisque affiduis oculos ad sidera tollens;

• Et terræ, & Cœli supremum Numen adorat;

Mœnia, magnifico quæ crexit publica sumptu,

Quasque vias stravit, quæque oppida celsa novavit,

Quaque armet virtute micantes ære catervas,

Quis canat? atque Duces quo complectatur amore;

Et quibus auxilijs orbem defendat ab hoste,

Militibus facto tribuat quæ præmia bello.

Dicere Musarum Princeps jam plura volebat.

Juppiter at jussit modulis imponere finem.

Calliope cecinit: plauserunt Numina, & omnes

Cœlicolæ: chordis doctæ plausere sorores.

Talibus arrisit nitidus concentibus Æther,

Altaque mellifluis sonuerunt atria metris.

Un-

Undique sunt ludi, sparguntur & undique odores,
Undique odorati funduntur nectaris urnæ:
Nec minus interea cunctis celebratur in oris
Terrarum tam fausta dies, festisque fugantur
Nocturnæ facibus tenebræ, tormenta per arces
Lætanti fonitu simul exploduntur, & urbes,
Et regna, & populi testantur gaudia plausu.
Neptunus tumidis sensit stupefactus ab undis,
Effert atque caput, cupit & cognoscere causam;
Cur explosa tonent altas tormenta per arces,
Lumine purpureo niteat cur clarus Olympus;
Florea gemmato cur gramine prata virescant,
Cur hominum teneant ingentia gaudia mentes?
Tum delapsa Polo vox hæc deuenit ab alto:
AVSTRIACI est reparata salus Regnantis Iberi.
Dulcibus obstupuit dictis Neptunus, & inquit:
Ergo est AVSTRIACVS vitæ revocatus ad auras?

O ni-

O nimis alma dies, albis signanda lapillis !

O tempus felix ! o semper memorabile seclum !

Hæc ubi dicta : Vocat Tritonem, atq; inde repente.

Imperat ut Pelagi Divi, Divæque vocentur.

Ille sui Regis confestim jussa capeffit.

Et jam conveniunt curvæ ad modulamina Conchæ

Nereus, & Protheus, Phorcique exercitus omnis,

Nereides, venit pulcherrima & Amphithrite,

Quas sic alloquitur tumidarum Reçtor aquarum :

AVSTRIACVS PRINCEPS, nobis carissimus unus,

Qui nostro valida prædones æquore classe

Expulerat semper, jam jam moriturus, amico

Auxilio superùm est vitæ revocatus ad auras :

Quilibet hinc hilares sentit sub pectore motus,

Urbes, recta, domus, celsæ exhilarantur & arces,

Exultant campi, tellus exultat & omnis,

Sublimique Polo radiantia sidera gaudent,

Hunc

Hunc quoq; nos celebrare diem debemus ovantes :
Quare agite , ò Divi , atque Deæ , clarissima signa
Nunc date lætitiæ summæ , indulgete choreis .
Vix hæc ediderat , qui vastis imperat undis .
Gestire incipiunt subito tunc Numina Ponti ,
Cœruleumque implent lætis clamoribus æquor ,
Et lætus cantat Protheus , fortemque futuram ,
AUSTRIACIQ; refert prolem , quæ clara nitescat ,
Hostibus expulsis Solyma potiatur & Vrbe ,
Imperium Oceano , famam quæ terminet astris .
Cantibus æquoreis lætantur Oreades altis
Montibus , & gaudent sylvis Dryadesque , Napææ ?
Najades & nitidis saltant in fontibus almæ .
Parthenope cithara Tyrrheno in littore Siren
Personat aurata , solemnesque erigit arcus :
Hujus ad harmoniam , noctes , tenebrasque fugare
Accensis facibus jussit LACERDIVS Heros ,

Or-

Ortum qui ducens Atavorum è sanguine Regum
Justitia celebri Regnum moderatur, & urbes :
Aulam qui voluit Musarum reddere sedem,
Eximiosque viros ad Regia Tecta vocavit,
Vt claras laudes, atque inclyta facta referrent,
AUSTRIACI, erepti immaturo è funere, REGIS :
Sacris in Templis adolens qui thura Sabæa,
Et superis grates, vota & solemnia solvit .
AVSTRIACO incolumi totius denique Mundi
Machina respirans diffundit gaudia vultu ;
Hos celebrant aer, cœlum, mare, terra triumphos.
Tartareus tantùm nigri dominator Averni,
Et sævæ Eumenides plorant, ululantque, gemuntq;
Et quoniam AVSTRIACI fatis evertere gentes
Non potuère: necem, bellum, excidiumq; minantur .
Nequicquam ast Orcus spirans è faucibus ignem ,
Orbis conatur placidam turbare quietem ;


Nam


Nam vivo AVSTRIACO pro nobis militat Æther,
Juppiter in Cœlo pro nobis fulmina servat,
Queis Erebi vires quatiet, gentemque rebellem,
Omnibus, & palmas, atque aurea secla reducet.




I

EJUS-





EJUSDEM JOSEPHI THOMÆ
 P O E M A
 I N F U N E R E
 E X C E L L E N T I S S I M Æ
D. CATHARINAE
A R A G O N I Æ,
 S A N D O V A L, &c.



L I B E R P R I M U S.

Magnificas Cœli pompas, clarumq; triumphum,
 Quo cedens terris, Matrona petivit Ibera
 Sideream sedem, rutilis inuenta quadrigis,
 Dicere fert animus. Musæ, memorate canenti,
 Cur Heroinam summi Regnator Olympi

I 2

Jus-

Jusserit extemplo telluris linquere valles,
Atque triumphantem superas revocarit ad oras.
Urbs antiqua jacet cunctis notissima fama
Hesperia in media, Regum gratissima fedes,
Cujus sublimes arces tolluntur in auras:
AVSTRIACI Imperij hîc fulget laquearibus aureis
Aula, ubi sceptrâ tenens, foliumq; insigne Secundus
CAROLVS, imponit leges, ac Regna gubernat:
Multa hîc præterea spectantur tecta domorum,
In quibus Heroes habitant, proceresque potentes,
Atque Heroinæ generosa è stirpe creatæ,
Inter quas omnes Atavis de Regibus orta,
Ut Phœbe stellas inter, CATHARINÂ renidet;
Hujus amore flagrans formosa, & candida Virtus
Destituit terram, propero petit astra volatu,
Constitit ante Jovem, supplex ac talia fatur:
Omnipotens genitor, Divumque æterna potestas,
Vivit

Vivit in Hesperia claro de sanguine nata,
Dives opum mulier, pietas quam nutrijt alma,
Inque meo fovi gremio à puerilibus annis:
Munifice largitur opes, & fronte serena
Excipit hæc omnes miseros; clementior ipsa
Non alia in terris, atque observantior æqui:
Nulli consilio, nulli probitate secunda;
Emicat in roseo præclara modestia vultu:
Usque pudicitia candentia lilia servat:
Usque voluptatem cohibet, sensusque rebellis
Illecebras blandas constanti mente repellit:
Tartarcos animo propulsat fortiter hostes;
Fortiter horrificam vitiorum comprimit hydram:
Assidue ante tuas aras redolentia thura
Comburit, sacrisque dicat donaria templis.
Oro, summe Pater, gnatae concede petenti;
Deferat hæc Matróna solum, fœdasque relinquat

Ter-

Terrarum fordes, Cœli petat astra triumphans

Ah, quonam usque locis tandem remorabitur imis!

Da mihi, da, dilecte parens, quod filia posco,

Incolat æthereos orbes, sedesque beatas.

Dixerat: at contra Divum Pater, atq; hominū Rex

Talia voce refert: Dabitur quod, nata, reposcis,

Temporis haud multum transiverit, ipse jubebo

Hanc Heroinam celsas conscendere sedes.

Sic ait, & totum nutu concussit Olympum:

Protinus at Virtus Divum è regione profecta

Præpetibus pennis Hispanam fertur ad Urbem,

Dulcis ubi semper comes esse solebat alumnae.

Nox erat, ac terris animalia cuncta soporem

Carpebant: sylvæ, pontusque filebat, & aer;

Jamque è cæruleis surgebat Lucifer undis,

Pellere Tithoni conjux & cœperat umbras,

Artus cum lenis CATHARINÆ somnus habebat;

In-

Inclÿta & in fomnis Virtus fe fe obtulit ultrò ,
Quæ tales hilari effudit de pectore voces :
O decus Hefperiaë, ò mulier cariffima Divis ,
Quæ mora tam longa in ftrato te detinet aureo ?
Afpice jam fulgens tenebras Aurora fugare
Cœpit, & ~~excelli~~ ~~luftrat~~ ~~fastigia~~ montis
Prænitidis radijs redimitus tempora Phoebus :
Nonne audis, ut aves implentes dulcibus auras
Cantibus, invitent quemque ad confueta laborum ?
Surge age, linque torum, è tepido modò tolle cubili
Membra, age linque torum, facras pete protinus ædes;
Tempore namque brevi duceris ad astra triumphans.
Hæc ubi dicta dedit, tenues decessit in auras ,
Mortalem formam medio fermone relinquens.
Excutitur fomno CATHARINA his vocibus, atque
Preffa ftupore gravi, varias sub pectore curas
Volvit, & hæc fecum vultu demiffa profatur :

Quæ

Terrarum fordes, Cœli petat astra triumphans
Ah, quonam usque locis tandem remorabitur imis!
Da mihi, da, dilecte parens, quod filia posco,
Incolat æthereos orbes, fedesque beatas:
Dixerat: at contra Divum Pater, atq; hominū Rex
Talia voce refert: Dabitur quod, nata, reposcis,
Temporis haud multum transiverit, ipse jubebo
Hanc Heroinam celsas conscendere sedes.
Sic ait; & totum nutu concussit Olympum:
Protinus at Virtus Divum è regione profecta
Præpetibus pennis Hispanam fertur ad Urbem,
Dulcis ubi semper comes esse solebat alumnae.
Nox erat, ac terris animalia cuncta soporem
Carpebant: sylvæ, pontusque filebat, & aer;
Jamque è cæruleis surgebat Lucifer undis,
Pellere Tithoni conjux & cœperat umbras,
Artus cum lenis CATHARINÆ somnus habebat;

In-

Incluta & in somnis Virtus se se obtulit ultro ,
Quæ tales hilari effudit de pectore voces :
O decus Hesperia , ò mulier carissima Divis ,
Quæ mora tam longa in strato te detinet auro ?
Aspice jam fulgens tenebras Aurora fugare
Cœpit , & ~~excelli~~ ~~lastrat~~ fastigia montis
Prænitidis radijs redimitus tempora Phœbus :
Nonne audis , ut aves implentes dulcibus auras
Cantibus , invitent quemque ad consueta laborum ?
Surge age , linque torum , è tepido modò tolle cubili
Membra , age linque torum , sacras pete protinus ædes ;
Tempore namque brevi duceris ad astra triumphans .
Hæc ubi dicta dedit , tenues decessit in auras ,
Mortalem formam medio sermone relinquens .
Excutitur somno CATHARINA his vocibus , atque
Pressa stupore gravi , varias sub pectore curas
Volvit , & hæc secum vultu demissa profatur :

Quæ

Quæ nunc alta meam tentant insomnia mentem?

Decipit an pulchræ nunc me Virtutis Imago?

Ipsa brevi summi conscendam sidera Cœli?

Iuppiter omnipotens, tanto haud me munere dignor.

His dictis, subito è strato stupefacta resurgit,

Atque animis ardet sacras invisere sedes.

Non procul exurgit vivo de marmore Templum,

Arboribus cinctum densis in valle reduâ,

Effulgens rutilis gemmis, fultumque columnis;

Ornatum varijs auro splendentibus aris,

Religione patrum sacrum, multosque per annos

Servatum summa semper pietate minorum,

In quo perpetuo fumant altaria Thure.

Dirigit huc gressum, Titan dum lampade terras

Perlustrat transvectus equis, CATHARINA : sequitur

Hanc comites lentis gradientem passibus omnes.

Qualis ubi lucum repetens Latonia Virgo,

In-

Incedit pharetra, & palla fuccincta nitenti,
 Flaventesque effusa comas, quas dimovet aura:
 Nympharum magna in sylvis comitante caterva:
 Se talem ad sacras ædes Matrona ferebat.
 Vix procul ex altis muris vestigia pressit,
 Ejus & aspectu lætus sine nubibus æther
 Visus, spirabant Zephyri felicibus auris;
 Undique se blandis ornabant floribus arva;
 Undique se tremulis folijs decorabat & arbor:
 Plaudere vîla comis teneris, lætoque fufurro
 Manabat fluvius nitidis pellucidus undis,
 Qui cupiens puras gradientis lambere plantas,
 Salve, jucundo resonabat murmure, salve
 Najadumque chorus cantus, placidasque choreas
 Exercebat ovans, meritoque colebat honore:
 Magnanimâ interea solito de more Virago
 Exornare aras flammiato corde volutans,

Floribus, & folijs, ramos frondentis olivæ
Virgineis manibus carpit, laurosque virentes:
Nectareos flores, argentea lilia, vernas
Colligit atque rosas, violas, gratosque Amaranthos:
Nec minus ancillæ gremium tum floribus implent
Augustæ dominæ exemplo, texuntque corollas:
Jamque gradum tendens ad limina sacra præibat,
Atque ubi prospexit Templum, postesque superbos:
Vos, sacri postes, vos, ò pia tecta domorum,
Quæ superum servatis, ait, simulacra, saluto.
His, tandem ingreditur Templum venerabile, dictis,
Atque genu flectens Divinum Numen adorat,
Sacra jubet fieri: fertis florentibus ornat.
Aras, æternumque Jovem sic voce precatur.
O Terræ, Cœlique fator, qui cuncta gubernas,
Cujus non ardent nutu in fornacibus ignes,
Diræque Eumenides pavitant, Erebusque tremiscit,

Eff-

Effice, præteritæ sint vera insomnia noctis,
Me sine terrarum miseram deponere curas,
Ac rapido concede mihi petere astra volatu.
Me rape: te cupio: tecum mea sola voluptas:
Spiritus amplecti meus hic te cominus ardet,
Cominus ista tuum videant mea lumina vultum:
Me trahe coelestem ad sedem, reminiscere & urbes
Hispanas: CAROLI AUSTRIACI reminiscere Regis,
Incolumis vivens ducat per secula vitam:
Invicum CAROLUM mortis defende periculis;
Et felix terræ semper dominetur in oris;
Tempus in omne regat populos, gentemq; fidelem;
Turcarum redigat captiva in vincla Tyrannum;
Liberet Assyriam moestam, Solymamq; gementem,
Et prolem generet, gemino quæ regnet in orbe.
Respice, quæso, meum LODOVICUM, respice gnatum,
Fungitur AUSTRIACO REGI qui munere Atlantis

Justitiaque, fide, Sebethi ad fluminis undas:
Fac multos natus degat dilectus in annos,
Parthenopesque ferat populo aurea secla gubernans.
His actis precibus, Superos venerata, recedit
Liminibus sacris, meditans Cœlestia Regna.
Juppiter interea speculatus ab æthere summo
Intentis oculis terrarum prospicit orbem;
Everfosque videt muros Carthaginis altæ,
Tecta que belligeris Tyrijs habitata colonis,
Quæ struxit miseri conjux phœnissia Sichæi:
Atque procellosas Syrtes ubi cautus Ulysses
Turbato focios amiserat æquore merfos:
Nec non pulvereos agitados flamine montes:
Ammonis Templum, quo tendere sæpè solebant.
Fatidica innumeræ quæsitum oracula gentes;
Cernit & Atlantem, mundi qui substatinet axem
Saxosis humeris, stellis fulgentibus aptum,
Omni-

Omnigenasque feras, quas parturit Africa tellus,
Horridos colubros, Tygres, rabidosque Leones,
Et mediam Zonam ardenti quæ Sole rubescit,
Torrida Phœbeis radijs, & inhospita ab igne:
Hesperidum virides hortos; ubi lethifer anguis
Hercule percussus ~~revolverat~~ aurea poma:
Stagnantem & Nilum è Lunæ qui ~~montibus~~ altis
Ægyptum adveniēis resonantibus irrigat undis,
Septeno impellens tumefactum gurgite pontum.
Aspicit ingentes arces, quas condidit olim
Magnus Alexander, bello qui terruit orbem:
Magnificas Thēbas, simulacrum ubi Memnonis altū,
Dulcisonum reddit cantum, dum dimovet umbras
Auricomus Phœbus, radijs & marmora pulsat:
Pyramides summo ferientes sidera cono,
Corpora quæis fuerant Regum tumultata potentum,
Et Ptolemæorum exequata palatia Olympo:

Et

Et multis aulam gemmis, auroque nitentem,
Quam coluisse potens Regina Cleopatra fertur;
Atque relucentes Erythræo in littore conchas,
Quæque Arabum tellus producit Gynnama felix,
Victori optatas palmas, redolentia thura:
Spectat & augustæ Solymæ sublimia tecta;
Phœnicesque poli servantes sidera primos,
Primos tingentes pretioso murice vestes;
Unde suas literas per Cadmum habuere Pelasgi:
Et quæ descendunt Libani de montibus undas
Jordanis fluvij; muros Babylonis & altos,
Quos Nini mater mira fabricaverat arte,
Altus ubi Euphrates, Cœlo gratissimus amnis,
Rura propinqua secans, fecundos irrigat agros:
Atque ubi Cœleste in solium erexere superbi
Excelsam turrim, ac victi cecidere Gigantes,
Illuvies fatalis aquæ postquam omnia merfit:

Præ-

Præcipitem Tygrum, Armeniæ qui montibus exit,
Aurifluum Gangem, rapidum miratur & Indum,
Unde solet nascens primam Sol fundere lucem,
Quò veniens Bacchus superatis hostibus Irdis,
Ad patriam redijt spolijs Orientis onustus;
Vnde & Alexander lætus, victorque recessit.



LIBER



LIBER SECUNDUS.

~~LIBER SECUNDUS~~

PON Libyam, atq. Afra, partem moderâtor Olympi.
 Conspicit Hircani, ferventes æquoris æstus :
 Et Populos Parthos, qui olim certamine Crassum
 Devicere, Duci ac rapuere insignia belli :
 Et Medos, Persas, telis, arcuque potentes,
 Cyrus ubi sceptrum tenuit, Darius, & acer
 Xerxes, Grajugenis qui cladem & bella minatus,
 Hellespontiacum superavit pontibus æquor :
 Respicit atque truces Colchos, quos Thessala pubes
 Per mare non notum ratibus jam prima petivit,
 Exulis ut raperet radiantia vellera Phryxi :
 Thermodontiacas & aquas, ubi fortis Amazon

Ar-

Arcubus, & validis jaculis certare solebat :
Mœandri & Phrygij sinuosas fluminis undas,
Et vada, quæ resonant Cygnorum voce, Caystri :
Pactoli viridem ripam, fluitantis & Hermi,
Auro distinctis semper quæ fulget arenis :
Insuper ad Taurum convertit lumina montem,
Cujus in excelsis Aquilæ cunabula ponunt
Culminibus : Lycia in lata pariterque tuctur
Ardentes flammæ mittentem ex ore Chimæram :
Atque Ephesum celsam, redolent ubi thuribus aræ
Magnifico in templo pulchræ, castæque Dianæ :
Et Teucrum campos, steterant ubi pergama Trojæ,
Cum fuit Imperium Priami, Phrygiæque manebant,
Nunc Xantus, Simois fluvij, & mons visitur Ida :
Delumque Ortygiam cinctam spumantibus undis,
In qua Titanis peperit Latona gemellos,
Fatidicum Phœbi Numen, Divamque triformem ;

L

Et

Et celebrem Lesbos, blandas ubi pollice chordas
 Alcæus, Sapphoque simul pulsare solebant:
 Et Scyron, Lemnum, Naxon, viridemq; Donyfam,
 Per medium Ægeum dispersas Cycladas omnes;
 Urbibus & claram centum Curetida terram,
 Quæ Jovis infantis vagitus auribus hauserat,
 Lactis Amalthææ nutritivæ & ubere pingui,
 Æribus & raucis Saturni abstraxit ab ore,
 Est labyrinthus ubi variarum ambage viarum,
 Artificis structus manibus, qui Gnosia Regna
 Vitans, Euboicas alis se duxit ad oras:
 Sedibus his cæcis, Theseu memorande, jaceres,
 Regia ni Virgo ducentia fila dedisset.
 Hæsit & obtutu resonantis in æquoris undis,
 Icarus illapsus temere cui nomina fecit:
 Ad Paphon, Idaliumq; Amathunta, Gnidumq; Cythera
 Lumina direxit, fumant ubi Cypridos aræ.

Pro-

Protinus hinc oculis doctas speculatur Athenas,
 Quas Plato Divinus, multi & coluere disert;
 Mellissuum & collem, quem dicunt nomine Hymettū;
 Thermopylas clausas, Marathonem, ubi Græcia victrix
 Erexit Persis præclara trophæa fugatis;
 Thebanam, ~~Cithara Amphion~~ quam condidit, urbem,
 Bacchus & ornavit, vates & Pindarus ~~ornu~~;
 Parnassum montem, umbrosas Heliconis & oras,
 Pieridum gratas sedes, loca sacra fororum,
 Et virides lauros, Permessi & fluminis undas,
 Et Delphos, unde emanant oracula Phœbi,
 Et Spartam, Eurotam fluvium, bimaremque Corinthum,
 Indomitos Argos, Agamemnoniasque Mycænas:
 Isthmon, Parthenium, Cyllenem, altumque Lyceum,
 Et Pisam, Eleos Campos, ubi Olympia læti
 Jam soliti celebrare olim certamina Prisci:
 Atque Ithacæ parvæ scopulos, ubi natus Vlysses,

Qui Troja rediens diversa per æquora vectus
Vi superum fuerat, ventorum ac turbine pulsus.
Pelion, atque Ossa, supremi & culmen Olympi,
Queis super impositis, Cælo detrudere ab alto
Regnatorem ipsum validi voluere Gigantes:
Peneum flumen; patriamque immitis Achillis
Larissam, & Pellam primas ubi viderat auras
Magnus Alexander vitæ, populosque feroces,
Spicula Mavortis qui bellipotentis adorant;
Et Rodopem atq; Hæmum, modulans ubi Thracius ore
Dulcisono vates, plantasque, ferasque trahebat:
Bosphoron & refluxum, Byzantia littora, Ponti
Euxini fluctus, Tanaisque fluenta nivalis,
Qui se Sarmaticis evolvens finibus, intrat
Atrocis Scythiæ sinuosis flexibus arva.
Cernere Cymmerios nec desinit, atque Gelonos,
Qui lac permistum potant cum sanguine equino:

Cau-

Caucasæumque jugum, cujus sub rupe pependit
Adstrictus duris vinclis, nodisque Prometheus:
Arctoos montes, septem gelidosque Triones,
Semper ubi glacialis hyems exasperat æthram:
Danubium Scythicum, multas qui perfluit urbes,
Et centum populos, ~~Budam~~, claramque Viennam
Austriaci Imperij sedem, fortesque ~~Polonos~~:
Concretum glacie pigrum nec præterit æquor;
Germanasque acies, duros Aquilone Suevos;
Et quoscumque fovet generosa Bavaria bello?
Luminibus tum Divinis se se obtulit amnis
Eridanus, cecidit currus quò auriga paterni,
Arnus & Hetruscus, flava Tyberinus arena,
In mare quique fluvit septena per ora Timavus;
Aufidus horrifonans latè, placidusque Galesus,
Leniter atque fluens Sebethi rivulus undis;
Cujus apud ripam Siren concentibus auras

Par

Parthenope mulcet, viridanti & vertice colles
 Pausilypi, Mergillinæ; ignivomusque Vesuvus:
 Et simul apparet Siculis regionibus Ætna,
 Eructans scopulos, flammis & sidera lambens.
 Orcadas, Oceanumque videt, validosq; Britannos,
 Rhenû, Ararim, Rhodanû, Ligerim, Mosamq; Garumnâ,
 Atque Pyrenæos sublimi culmine montes,
 Aurifluumque Tagum, Bætum cum Bilbilis undis.
 Denique regalem jam contemplatus Iberum,
 Qua lentis gradibus Templo CATHARINA redibat
 Obstupuit faciem aspiciens, vultusque nitorem
 Cœlicolum rector, secumque est talia fatus:
 Quis novus hic splendor? quæ lux incognita nobis,
 Lumina nostra ferit? virtus quæ tanta refulget?
 Anne putem è lucis castam rediisse Dianam,
 Et graviter lassam latis incedere campis?
 At rutilos humeros arcus, dextramque sagittæ

Non

Non armant. Pallas supera num sede relicta
Degit in Hesperia, pratisque moratur amœnis?
Non gerit hæc hastam dextra, clypeumque sinistra.
Credo equidem, nec vana fides, genus esse potentis
Herois, tanta virtute nitescit, & ore.
Hæc Heroïna est, ~~dixit~~ quam candida Virtus;
Hæc est illa, fide fraudes, quæ sola fugavit,
Extinxit turpes quæ casta libidinis ignes;
Vicit avaritiæ quæ largo munere monstrum;
Moribus & placidis violentas contudit iras;
Iustitiæque dolos hominum prostravit iniquos.
Hæc virtute potens, scelerum genus omne removit,
Atque voluptates Sirenium invicta fugavit:
Hæc victrix acies furiarum depulit omnes:
Huic ergo clarus debetur jure triumphus.
Degere Matronam tanta pietate nitentem
Non decet in terra, in sede at sublimis Olympi.

Dixit

Dixerat: Atlantis volucrum vocat inde nepotem,
Hæc cui pauca refert: Graditur pulcherrima formâ,
Atque omni pietate nitens generosa Virago
Ad ripas fluvij, dicunt quem nomine Iberum,
Eja Cœlicolum gaudens ascendat in ædes,
Maxima quas illi victrici facta pararunt;
Candentes Horæ celerent, ornentque quadrigas,
Ducatur queis in Cœlum Heroïna triumphans,
Atque unâ comiterur eam Latonia Virgo,
Tritonis Pallas, Phœbus, doctæque Camenæ.
Tum Jovis Imperio paret Cyllenia Proles,
Et nitidis Horis aperit mandata Tonantis,
Quæ subito summi Regnantis jussa faceffunt:
Distinctum geminis currum, rutilisque Pyropis
Accipiunt, ducunt & equos, qui cursibus Euros,
Et candore nives superant: jam lucida frœna
Mordent, egressi Cœli è præsepibus altis.

Tem-

Tempora tum viridi lauro Victoria cincta,
 Vestibus & niveis circumdata, flectit habenas:
 Jamque volans alto descendit ab Æthere currus,
 Æthereis devectus equis, quem ponè sequuntur
 Numina, quæ jussit celsi Regnator Olympi,
 Constitit atque statim ante oculos gradientis Iberæ
 Matronæ Superum cœtus, cœlestis & axis.
 Obstupuit currum cernens CATHARINA nitentem,
 Et Divos, Divasque omnes, ac talia fatur.
 Quæ nova nunc nostram pertentant gaudia mentem?
 Quis mea tam subitus perstringit lumina fulgor?
 Quam sic alloquitur placidè Caducifer Hermes.
 Cara Deo mulier, Cœlo gratissima Diva,
 Te jubet omnipotens Cœlestia scandere Regna,
 Accipere ut possis meritum pietatis honorem.
 Illa sub hæc: Vigilo, an ludunt me insomnia vana?
 Sideream ad sedem supremi conditor Orbis

M

Mc

Me vocet ? Haud equidem tali me dignor honore.
Hæc referens animo nunc hûc, nunc fluctuat illuc.
Tum Ales: vera vides: te nulla infomnia fallunt:
Juppiter hoc mandat, rerum cui summa potestas;
Sit mora nulla: triumphales conscende quadrigas,
Quas tibi jam pietas, candorque, fidesq; paravit.
Addidit & Pallas: roseas conscende quadrigas:
Ne dubita, CATHARINA: tuis hæc debita facis
Præmia sunt: summi pete lucida tecta Tonantis.
Perfice jussa Patris summi pharetrata Diana
Exclamat, terras relinquamus, & astra petamus.
Astra petamus cum Musis respondit Apollo.
Numina sic urgent. Ad sidera Ibero Virago
Attollens palmas, inquit, tibi solvere grates,
Omnipotens, nequeo: ecce libens tua jussa facesso.
Dilectæ comites, me discedente, valete;
Flumen dulce fluens, & littora nota valete;

Alma

Alma vale tellus, ubi me genuere parentes :
CAROLE care vale, AUSTRIACIS è Regibus orte ,
Vita , salus orbis , nostri nova gloria secli .
Ad superos tendo, tua sed carissima nostro
Non unquam labi poterit de pectore imago .
Ad superos tendo, & Cœli comitabor in oris ,
Quæ te produxit, MARIANNAM, Numine Divum;
Quæ me dilexit summo, dum vixit, amore.
Sidera clara peto, pro te semperque precabor ,
Proque salute tua . Tu vero, ò maxime Regum ,
Perge meum gnatum LODOVICUM prosequi amore,
Qui tibi Parthenopem justis moderatur habenis .
Nate vale , LODOVICE vale , servire Monarchæ
AUSTRIACO , fuerit tua maxima gloria terris ,
Pro CAROLO Regnum tranquilla fronte gubernas ;
Nec , me abeunte , velis largos effundere fletus ,
Et tristes gemitus , altisque doloribus uri :

Non etenim pereo, è terris ad sidera migro.

Dixerat, & currum conscendit corde sereno.



LIBER



LIBERTERTIVS.

~~XXXXXXXXXX~~

Fulminis interea ~~currus~~ volat ocyor alis.
 At dulces comites sola in tellure ~~relictæ~~,
 Ut discedentem dominam videre per æthram,
 Abscissæ crines, & tunæ pectora palmis,
 Quæstibus implebant, magnisque ululatibus auras,
 Atque inter crebras lacrymas, gemitusque dolentes,
 Clamabant omnes, quò tendis nostra voluptas?
 Quò subito properas? Cuinos, CATHARINA, relinquis?
 Vicinum flumen, cui nos, CATHARINA, relinquis;
 Murmure luctifono ripa resonabat ab alta?
 Mœrebant volucres CATHARINAM voce vocantes,
 Plorabantque cavæ valles, collesque gemebant:

In

In pratis flores, in sylvis ingemit arbor,
 Terra dolet, gaudet tantum sine nubibus aer.
 Lucidior solito, Zephyri spirantibus auris,
 Dum stellante rota liquidum secatur æthera curvus.
 Ac veluti æquoreos fluctus cum scinderet Argo,
 Ismarius vates feriebat pectine chordas:
 Sic Heroinae volitante per aera curru,
 Tangebatur citharam plectro crinitus Apollo,
 Musarumque chorus docto effundebatur ab ore
 Tales concentus. O terque, quaterque beati,
 Qui bene viventes Cœlestia Regna pararunt,
 Pugnantisque sibi clarum peperere triumphum.
 Non fuit his unquam sensus jam grata voluptas,
 Deliciæque breves nullæ placuere: Tyrannum
 Vicerunt Erebi diro certamine facto,
 Et bona terrarum pariter spreverunt caduca;
 Hinc merito semper tranquilla pace fruuntur,

Læ-

Lætitia & summa perfundent pectora semper.
Væ miseris contra, sceleratam ducere vitam
Qui voluere: fuit non inclyta gloria gestis
Parta suis, nunquam ad superos sua corda tulere,
Illecebris fracti sensus mala gaudia mentis
Amplexi, ~~vani cessare~~ Cupidinis armis.
O infelices! visent cæca ostia Ditis,
Umbrarumque domos, ac luce carentia Regna,
In quibus assidue ardenti patientur in igne,
Frigoris asperitate tremant, glacieque rigeunt:
Horrendis monstris, Scyllis, Pythonibus, Hydri;
Harpyjis laniabuntur, sævisque Chimæris.
Discite mortales molles contemnere sensus
Delicias, justasque Jovis non spernere leges,
Tendere ut astringerem Regnum possitis ovantes.
Cantibus his hilares ducebant astra choreas.
Has dulces voces, hunc & Cynosura triumphum;

Hunc

Hunc Helice plausum miratur ab axe Borco,
Hæc servata viris Grajis, Phœnicibus illa,
Qui mare trajiciunt, pandunt & carbasa ventis;
Mirantur pariter, jucundo ac pectore gaudent,
Hesperidumque Draco, qui cœsus ab Hercule clava
Occidit, atque fuit stellarum in sede locatus:
Et pulchra Andromede monstris objecta marinis,
Quam fortis Perseus crudeli morte redemit:
Gestit & Arctophylax custos Erymanthidos ursæ;
Gnosfiacæ exultat stellata corona puellæ,
Quam Theseus quondam deserto in littore liquit,
Progeniesque Jovis mitis dilexit Jacthus:
Insolito fulgent Berenices lumine crines;
Splendentem curram læto clamore salutat
Amphitryoniades cinctus renitentibus astris,
Qui puer in cunis rabidos eliserat angues,
Cerberumque canem traxit, domuitque Leonem,

Ge-

Geryonem, Diomedis equos, aprumque Erymanthi,
Eripuit monstribus totum qui viribus orbem.

Ingeminat lyra concentus, chordisque resultat,
Quæ cantu belyas, sylvasque, & saxa traliebat,
Sedavitque feros manes, & Tartara flexit,
Ex Erebo Euridicem traheret cum Thracius Orpheus.
Ledeus Cygnus recinens diverberat alas.

Lætatur Delphin, qui vexit Ariona dorso
Per freta vasta chelym pulsantem pectine eburno :
Lætitiæ dat signa alata propago Medusæ
Pegasus, ætherias quatiens qui calcibus auras
Perseæ per varias partes transvexerat orbis,
Atque volans tandem Parnassi in vertice sacro
Percussit saxum, & manavit Castalis unda :
Dant plausum Taurus Cretæis qui appulit oris
Europam ; gemini cæbalio de sanguine nati :
Herculeusque Leo, Virgo quæ fulget aristis,

Libraque, Scorpius, Arcitenens, & Signifer Orbis
Apparet totus festiva luce coruscans:
Splendidior solito visa est via lactea in alto,
Unde triumphales currebant axe quadrigæ:
Se placidum ostendit nautis infestus Orion,
Armaque deposuit: manavit flumine lactis
Æthereus Nilus; radiantia vellera puppis
Argo substravit, Colchos qua vectus Jason:
Araque Cœlestis jucundo fumat odore.
Jamque triumphalis currus feliciter altas
Pervenit ad Cœli portas, quæ sponte pateſcunt,
Coetus ubi Divum venientem expectat Ibero
Plausibus Heroïnam, iterumque, iterumque salutat.
Excipiunt pariter, summo ac venerantur honore
Omnes Cœlicolæ, ducuntque Tonantis ad ora,
Qui lato vultu folio sic infit ab alto.
Venisti tandem nobis, carissima Diva,

Ac-

Accipe nunc victrix tantorum iusta laborum
Præmia, quos terræ, dum vita manebat, in orbe
Passa es: Chrysolithis distinctam, auroque coronam
Accipe: stelliferi Cœli cole regna piorum,
Nullus ubi morbus, nec mœror, & anxia cura,
Nec timor exagitat ~~gelida~~ formidine mentes;
Sed secura quies, ac semper læta juvenus,
Iustitia & pietas, & pax tranquilla nitescit.
Hic nunquam glacialis hyems, sed tempora Veris
Perpetui rident, florentia prata virescunt.
Hic nunquam nox horrenti circumdatur umbra:
Æternùm micat alma dies: Sol usque serenos
Effundit radios, & lumine vestit Olympum:
Sidereique chori concentibus æthera mulcent.
O si mortales omnes sic vivere vellent,
Turpes exosi culpas, fraudesque, dolosque,
Cingere vt æterno possent sua tempora ferto,

Hostibus & victis super astra referre triumphum :
Dixerat, intonuitque Polus modulamine vocum ,
Cunctaque plausere his Cœlestia Numina dictis.
Undique dulce melos, Citharæq; Lyræq; sonabant :
Undique, ducebant Divi, Divæque choreas :
Funduntur flores lecti è Cœlestibus hortis ,
Lilia mixta rosis, immortalesque Amaranthi :
Sternuntur latæ ^{ovm} palmæ , laurique perennes :
Ridet ubique domus suavi cœlestis odore ;
Nectaris æterni decurrit flumen ubique ,
Dulcis & ambrosiæ convivium ubique parantur.
Tum vero nitida CATHARINAM in sede locarunt,
Vestibus indutam niveis , cinctamque corona .
Atque ubi conscendit , convertens lumina circum ,
Reginam vidit MARIANNAM in sede nitenti ,
Ornatam chlamyde immortalis murice tincta ,
Cujus præcingit crines diadema coruscum .

Dex.

Dextra gerit sceptrum, gestamen nobile Regum,
Augusta & gravitas, splendor, decus enitet orci:
Protinus assurgens summo veneratur honore,
Reginamque suam læto clamore salutat,
Quam sic alloquitur vultu MARIANNA sereno,
Gaudeo forte tua, ~~faustis &~~ gaudeo fatis.
O te felicem, Cœli cui contigit oras
Scandere, telluris desertis vallibus imis.
Veræ hinc deliciæ, æterna hinc sunt gaudia vera.
Hinc nos felices erimus, semperque beatæ.
AUSTRIACI hinc resident REGES in sedibus altis.
Aspice, ut Hispani vivant super astra PHILIPPI.
Quem iuxta cernis nimia splendescere luce,
CAROLUS est QUINTUS pietate insignis, & armis,
Marte feras vicit gentes, domuitque superbos,
Stravit & adversas acies interritus hostes
Aggrediens, palmas tenuit, statuitque trophæa:

Irruit

Irruit in Turcas , qualis de montibus altis
 Præcipitat torrens quercus , & saxa revolvens ,
 Aut velut in turres erumpit ab æthere fulmen .

Inclyta Chartago , populos quæ vicerat olim
 Romanos , hujus dextra superata potenti est .

• Pannonia aspexit solo cognomine QVINTI

Regnatorem Asiæ victum , subitoque fugatum :

Dejecit Cimbros , Gallos , durosque Sicambros

Inviæus bello semper terraque , marique :

Imperij posita spatiosi denique cura ,

Sideream hanc sedem , & Cœlestia Regna paravit .

AVSTRIACOS alios prospecta hinc ordine longo ,

Solis utramque domum impleverunt qui fortibus ausis ,

Moribus , atque pijs petière hæc atria factis .

Hinc LACERDIADIS sublimi in sede micantes

Aspice , Fama canit quorum clarissima gesta .

En tibi SANDOVALIADIS , qui hæc Regna beata

Sunt

Sunt meriti, Spe, Justitia, Pietate, Fideque.
Quas vero vacuas sedes hac cernis in aula,
Fulgent pro CAROLO genui quem cara Secundo
Mater, quique meis oculis est carior ipsis;
Hic licet ægrotus nuper, tellure gemente,
Migraturus erat ~~jam jam~~ sublimis ad astra,
In terris vitam multos producet in annos,
Et multos gignet natos, per secula multa
Victuros, gestis claros, virtutibus, omnes
Quos hic expecto longi post temporis ævum
Sedibus æthereis, fertis, sceptrisque decoros.
Hæc etiam tuus adveniet LODOVICUS ad astra,
Inclyta progenies, Atavis è Regibus ortus,
Tam bene Parthenopes CAROLI qui regna gubernat;
Hic quoque progignet natos, natiq; parenisque
Has fortunatas recolent, sedesque beatas.
Augusta hæc læto MARIANNA est ore loquuta,

At

At dulci alloquio Reginæ è pectore grates
Perfolvit CATHARINA suæ, veneratur & unâ
AUSTRIACOS magnos REGES, summosq; Monarchas,
Regalique suos Atavos è stirpe creatos;
Et tandem ingenti plausu celebrata refedit.

F I N I S.



397.576

EMINENTISSIMO SIGNORE.

Gioseppe Thoma Lettore di Rettorica ne i Regij Studij di questa Città, supplicando espone à V. Em., come desidera dare alle Stampe un Libro, nel quale si contiene un' Oratione, & un Poema intorno alla ricovrata salute di CARLO SECONDO Rè delle Spagne (che Dio guardi) & un' altro Poema intorno alla morte dell' Eccellentissima Signora Donna Catarina d' Aragona Sandoval. Per tanto supplica l'Em. V. degnarsi commetterne la revisione à chi li pare, acciò possa poi ordinarfi che si stampi, ut Deus, &c.

*Reu. Dominus D. Philippus de Anastasio videat,
& in scriptis referat die 9. Maij 1697.*

JO: ANDREAS SILIQUINUS VIC. GEN.

D. Januarius de Auria Can. Deput.

EMINENTISSIME DOMINE.

Summa animi voluptate percurri, quæ D. Josephus Thoma tum soluta Oratione, tum Carminibus vineta scripsit pro reparata CAROLI SECUNDI salute, & in funere Excellentissimæ D. Catharinæ

O

tharinæ Aragoniæ, Sandoval, &c.; sunt enim sententiarum gravitate, & figurarum venustate referta: nec quicquam occurrit, quod religionem, pias aures, aut incorruptos mores offendat. Quas verò fabulas commentus est, præterquamquod præclarissimam continent allegoriam, poetice se conscripsisse testatur: ea propter typis edi posse existimaverim, si eadem Em. V. mens fuerit. Hæc ut tua jussa facerem, scripsi. Vale. Idibus Maij M.DC.XCVII.

Em. V.

Humillimus, & addictissimus Servus
D. Philippus Anastasius.

Attenta superscripta relatione Domini Revisoris
quod potest imprimi
Imprimatur die 19. Junij 1697.

JO: ANDREAS SILIQUINUS VIC. GEN.

D. Januarius de Auria Can. Deput.

EC-

ECCELLENTISSIMO SIGNORE.

Gioseppe Thoma Lettore di Rettorica ne i Regij Studij di questa Città, supplicando espone à V. E., come desidera dare alle Stampe un Libro, quale si contiene una Oratione, & un Poema intorno alla ricovrata salute di CARLO SECONDO Rè delle Spagne (che Dio guardi) & un'altro Poema intorno alla morte dell'Eccellentissima Signora Donna Catarina d'Aragona Sandoval. Per tanto supplica l' E. V. degnarli commetterne la revisione, à chi li pare, accio possa poi ordinarfi che si stampi, ut Deus..

Rever. D. Gregorius Messerius videat, & in scriptis referat.

SORIA REG.

ANDREAS REG.

GASCON REG.

ANDREASSI REG.

Provisum per S. E. Neap. 9. Maij 1697.

Speciab. Reg. Carrillo non interfuit.

Mastellonus.

EXCELLENTISSIME DOMINE.

PErlegi, acceptis mandatis tuis, tum Orationem, & Poema Iosephi Thoma pro reparata CARO-
II

LI IJ. Hispaniarum Regis salute, tum etiam Poema in funere Excellentissimæ Dominæ D. Catharinæ Aragoniæ, Sandoval, &c.; & nihil inveni quod offenderet Regiam Jurisdictionem: immo admiratum Authoris eximiam eloquentiam, & præstans ingenium. Quare in lucem edi poterunt, si ita Excellentiæ Tuæ videbitur. Vale. Neap. 19. Junij 1697.

Excell. Tuæ



Humillimus Servus.
Gregorius Messerius.

Visa supradicta relatione imprimatur, & in publicatione servetur Regia Pragmatica.

SORIA REG.

ANDREASSI REG.

Provisum per S. E. Neap. 20. Junij 1697.

Cæteri Spect. Reg. non interfuerunt.

Mastellonus.

